

國學基元  
本叢書  
詩別裁

書叢本基學國

裁別詩元

選星景張

行發館書印務商

上海图书馆藏书



A541 212 0006 1265B

序

元詩選本自蘇天爵文類詩以下不及數家或傳或微迨我朝顧太史廣搜博採秀野草堂所刻號爲極富然意主於備一代之文献雖稍已汰繁蕪而存雅正若乃別裁去取精之又精俾學者由是而之焉循元詩盛軌弗墜唐音而溯源於風騷漢魏則猶有待也人謂元詩纖弱遜宋此未究元人大全遽爲一方之論也遺山未嘗仕元而巨手開先冠絕於時固不必言至如趙虞楊范皆卓然成家爲正宗晉卿道傳代興無愧其餘騁奇鬪麗不一而足掇錦囊之逸藻嗣玉溪之芳韻又非獨鴈門鐵崖已也蓋宋詩末流之弊也爲粗率爲生硬元詩則反是欲揅宋詩流弊舍元曷以哉讀百一鈔漚漚乎洋洋乎氣格聲調進乎古矣正變以攬諸公之長故不隘出入略以三唐爲準故不濫殆韋相序又元集所云金盤餐沆瀣花界食醍醐者耶學者由是而之焉循元詩盛軌弗墜唐音而溯源於風騷漢魏則是鈔豈惟足以供咏吟資擣撘而已時乾隆甲申嘉平月耐菴沈鈞德序

元詩別裁序



236549

# 元詩別裁目錄

## 卷一 五言古

元好問十首

戴表元一首

黃庚一首

趙孟頫二十五首

貢奎一首

虞集一首

揭傒斯二首

黃潛一首

薩都刺一首

貢師泰二首

迺賢一首

吳師道三首

周權三首

---

許謙一首  
陳高二首  
周伯琦一首  
陳基二首  
張憲一首  
楊維楨一首  
倪瓈八首  
錢逢一首  
陳孚一首  
何中十首  
傅若金二首  
黃清老二首  
劉詵二首

戴良五首

謝應芳一首

甘復二首

李序一首

卷二七言古

元好問九首

尹廷高一首

郝經一首

趙孟頫一首

馬祖常一首

曹伯啓一首

虞集三首

范椁二首

揭傒斯二首

薩都刺四首

宋无二首

迺賢一首

吳萊一首

吳師道一首

卷三七言古

周權一首

岑安卿一首

胡天游一首

周伯琦一首

張憲三首

楊維楨二首

張昱一首

倪瓈一首

周霆震一首

楊奐一首

傅若金一首

王士熙一首

成廷珪二首

劉永之一首

謝應芳一首

汪克寬一首

朱希晦一首

周 砥一首

卷四五言律

元好問四首

方 回一首

戴表元一首

黃 庚四首

尹廷高一首

趙孟頫二首

袁 榆一首

馬祖常一首

貢 奎一首

許有壬一首

虞 集一首

范 檸一首

揭傒斯二首

黃 潤三首

柳 貫四首

薩都刺六首

宋 无五首

張 遷一首

吳師道一首

周 權二首

方 澜一首

虞 琦一首

黃鎮成一首  
周伯琦三首  
張憲一首  
葉顥一首  
郭鉉二首  
倪瓚四首  
丁鶴年一首  
白珽一首  
龔璗一首  
吾邱衍一首  
楊奐一首  
何中五首  
傅若金三首  
雅琥一首  
成廷珪三首  
劉詵一首

薛漢一首  
吳景奎一首  
曹文晦一首  
鄭韶二首  
劉永之一首  
金涓一首  
盧摯一首  
麻革一首  
潘純一首  
陳德永一首  
許恕一首  
瞿智一首  
元好問六首  
劉因二首  
牟巘二首

卷五 七言律

戴表元二首

方夔三首

熊鉢一首

陳深一首

袁郝易二首

王經二首

程鉅夫一首

吳澄一首

元淮一首

趙孟頫十首

袁桷二首

馬祖常三首

張養浩一首

虞集三首

楊載三首

范檉一首  
揭傒斯二首  
黃溍五首  
柳貫六首  
薩都刺五首

宋无一首

陳旅二首

張翥五首

貢師泰四首

迺賢一首

謝宗可一首

吳師道一首

周權二首

袁士元一首

黃鎮成一首

鄭元祐一首

周伯琦二首  
陳基一首  
張憲一首  
楊維楨六首  
卷六七言律

張昱六首  
倪瓈六首  
郭鉅三首  
葉顥一首  
錢惟善一首  
王逢七首  
仇遠五首  
白珽一首  
楊果一首  
段克己一首  
段成己一首  
段成己一首  
仇遠五首  
白珽一首

陳孚四首  
鄧文原二首  
李材一首  
何中一首  
于石四首  
傅若金十三首  
宋本一首  
宋黎四首  
王士熙二首  
雅琥一首  
成廷珪三首  
黃清老一首  
丁復一首  
韓性一首  
鄭詔二首  
劉永之一首

謝應芳二首

朱希晦一首

麻革一首

楊雲鵬一首

陳普一首

郭麟孫一首

柯九思二首

李裕一首

吳訥一首

方行一首

潘純二首

周許二首

陸仁一首

葉恕二首

柯九思二首

卷七五言排律

馬祖常二首

楊載一首

宋无一首

陳旅一首

周伯琦一首

王逢一首

陳孚一首

傅若金三首

雅琥一首

李裕一首

傳若金三首

周許二首

陸仁一首

葉恕二首

柯九思二首

卷八五言絕

卷八五言絕

七言絕

元好問四首以下五言絕

牟巘一首

揭傒斯一首

薩都刺二首

龔璛一首

元詩別裁 目錄

高克恭 一首  
郭翼 一首  
元好問 六首 以下七言絕  
李俊民 二首  
楊載 一首  
許有壬 一首  
耶律楚材 一首  
劉秉忠 二首  
許衡 一首  
趙孟頫 二首  
袁桷 一首  
許有壬 一首  
高克恭 一首  
郭天錫 一首  
傅若金 一首  
王士熙 四首

范樟 二首  
歐陽系 一首  
薩都刺 三首  
宋无 二首  
周權 二首  
朱德潤 一首  
洪希文 一首  
王翰 一首  
鄭元祐 一首  
倪瓈 二首  
陳孚 一首  
顧瑛 二首  
高克恭 一首  
郭天錫 一首  
傅若金 一首

吳鎮一首

黃公望一首

黃清老一首

王冕一首

鄭詔一首

貢性之四首

朱希晦一首

曹之謙一首

周馳一首

繆鑑一首

柯九思一首

彭炳一首

汪澤民一首

陳秀民一首

高明一首

周砥一首

補遺

趙孟頫一首

范檉一首

揭傒斯一首

黃溍七首

柳貫一首

貢師泰一首

迺賢一首

周權一首

余闕二首

鄭祐一首

郭麟孫一首

盧摯一首

柯九思二首

高明二首

周砥一首

以下五言古

倪葉顥一首  
陳孚一首  
何中一首  
馬祖常一首  
范榦一首  
揭傒斯一首  
薩都刺二首

以下七言古

張許翥一首  
陳基一首  
卞思義一首  
潘憲三首  
楊維楨一首  
張昱一首

郭玗變一首  
黃潛二首  
周權一首  
余闕一首  
陳瓊一首  
倪何一首  
黃庚一首  
虞集二首  
楊潛二首  
張養浩一首  
薩都刺二首  
黃潛二首  
載一首  
張宋无一首  
張翥一首

以下七言律

貢師泰一首  
迺賢一首  
吳師道二首  
許謙一首  
陳基二首  
馮子振一首  
陳雷一首  
張昱一首  
倪瓈一首  
陳灝一首  
葉顥一首  
郭璗一首  
仇遠一首  
陳孚二首  
戴良一首  
周霆震一首

錢惟善二首  
李孝光三首  
馬臻一首  
張雨一首  
柳貫一首  
薩都刺三首  
楊維楨二首  
惟則一首

以下七言絕

# 元詩別裁

## 卷一

五言古

元好問

箕山

幽林轉陰崖，鳥道人跡絕。許君棲隱地，唯有太古雪。  
人間黃屋貴，物外祇自潔。尙厭一瓢喧，重負寧所屑。  
降衷均義稟，汨利忘智決。得隴又望蜀，有齊安用薛。  
干戈幾蠻觸，宇宙日流血。魯連蹈東海，夷齊采薇蕨。  
至今陽城山，衡華兩邱塗。古人不可作，百念肝肺熱。  
浩歌北風前，悠悠送孤月。

綠山置酒同內翰馮丈叔獻雷兄希顏賦詩分韻得賓字

靈官肅清曉，細柏含古春。人言王子喬，鶴馭此上賓。  
白雲山蒼蒼，平田木欣欣。登高覽元化，浩蕩融心神。  
西望洛陽城，大路通平津。行人細如蟻，擾擾爭紅塵。  
蓬萊風濤深，鬢毛日夜新。殷勤一杯酒，媿爾雲間人。

光武臺

東南地上游，荆楚兵四衝。遊子十月來，登高送長鴻。  
當年赤帝孫，提劍起蒿蓬。一顧滍水斷，再顧新都空。  
雷霆萬萬古，青天看飛龍。巍然此遺臺，落日荒煙重。  
誰見經綸初，指揮走羣雄。白水日夜東，石麟幾秋風。  
空餘廣武歎，無復雲臺功。

穎亭留別同李治仁卿張肅子敬王元亮子正分韻得畫字

故人重分攜，臨流駐歸駕。  
乾坤展清眺，萬景若相借。  
北風三日雪，太素秉元化。  
九山巒嶧崿，了不受陵跨。  
寒波淡淡起，白鳥悠悠下。  
懷歸人自急，物態本閑暇。  
壺觴負吟歎，塵土足悲咤。  
回首亭中人，平林澹如畫。

灔亭

春物已清美，客懷自幽獨。  
危亭一徘徊，翛然若新沐。  
宿雲淡野川，元氣浮草木。  
微茫盡楚尾，平遠疑杜曲。  
生平遠遊賦，吟諷心自足。  
揭來著世網，抑抑就邊幅。  
人生要適情，無榮復何辱。  
乾坤入望眼，容我謝羈束。  
一笑白鷗前，春波動新綠。

出京史院得告歸嵩山侍下

從官非所堪，長告欣得請。  
驅馬出國門，白日觸隆景。  
半生無根著，飄轉如斷梗。  
一昨隨牒來，六月阻歸省。  
城居苦湫隘，羣動日蛙鼃。  
慚媿山中人，團茅遂幽屏。  
塵泥久相涴，夢寐見清穎。  
矯首孤雲飛，西南路何永。

少林

雲林入清深，禪房坐蕭爽。  
澄泉潔餘習，高鳥喚長往。  
我無元豹姿，護有紫霞想。  
回首山中雲，靈芝日應長。

劉曲龍潭

層冰積浩蕩，陵谷低吞吐。  
窈窕轉幽壑，突兀開淨宇。  
回頭山水縣，亦復墮塵土。  
孤雲鐵梁北，宇宙一仰俛。  
風景初不殊，川塗忽修阻。  
寒潭海眼淨，黝黑自太古。  
蟄龍何年臥，萬國待霖雨。  
誰能裂蒼崖，雷風看掀舉。  
山中人歲旱，則轉大石入潭中以駭龍瞬息致雨。故云。

龍門雜詩

石樓繞清伊。塵土天所限。人言無僧久。草滿不復割。灘聲激悲壯。山意出高蹇。當年香山老。挂冠遂忘返。  
高情留詩軸。清話入禪版。誰言海山去。蕭散仍在眼。溪寒不可涉。倚杖西林晚。

曉發石門渡。湍水道中水經湍音專。

疎星澹秋明。陰霞絢朝映。積雨成坐愁。晨光動幽興。石門歸馭引。湍浦漁舠並。曠蕩萬景新。歸藏四山靜。  
平湖風漪綠。遠岸秋沙淨。洋洋遊魚逝。汎汎輕鷗泳。隱顯乖夙心。感遇見真性。倦遊時自悼。違已將安竟。  
憂端從中來。茫茫發孤詠。

戴表元

宿福海寺

斲巖蒼龍角。汲流紫雲根。道人不絕俗。自然無耳喧。屋脊挂修嶺。一日過千轅。此中但高臥。松風有清言。  
聽之亦無有。風定松在門。炊成我欲去。獨鶴鳴朝暾。

黃庚

約王琴所不來舟中偶成

清飈捲炎埃。碧水出秋素。迢迢見山亭。回首隔煙霧。酒帘颺漁邨。笳鼓響軍戍。倚篷問舟人。云是三江路。  
籬落雞欲棲。野水牛已渡。釣翁吹荻煙。稚子收漁具。抱琴人不來。殘陽在高樹。

趙孟頫

張詹事遂初亭

青山繚神京，佳氣溢芳甸。  
林亭去天咫，萬狀爭自獻。  
年多嘉木合，春晚餘花殿。  
雕闌留戲蝶，藻井語嬌燕。  
退食鳴玉珂，友于此。  
終宴鐘鼓樂，清時衣冠集。  
羣彥朝市塵，得侵圖書味。  
方遠紛華雖在眼，道勝安用戰。  
初心良已遂，雅志由此見。  
何事江海人，山林未如願。

題耕織圖二十四首奉懿旨撰

田家重元日，置酒會鄰里。  
小大易新衣，相戒未明起。  
老翁年已邁，含笑弄孫子。  
老嫗惠且慈，白髮被兩耳。  
杯盤且羅列，飲食致甘旨。  
相呼團園坐，聊慰衰莫齒。  
田磽藉人力，糞壤要鋤理。  
新歲不敢閑，農事自茲始。

正月

東風吹原野，地凍亦已消。  
早覺農事動，荷鋤過相招。  
遲遲朝日上，炊煙出林梢。  
土膏脈既起，良耜利若刀。  
高低偏翻墾，宿草不待燒。  
幼婦頗能家，井臼常自操。  
散灰緣舊俗，門逕環周遭。  
所冀歲有成，殷勤在今朝。

二月

良農知土性，肥瘠有不同。  
時至萬物生，芽蘖由地中。  
秉耒向畝畝，忽偏西與東。  
舉家往于田，勞瘁在爾農。  
春雨及時降，被野何濛濛。  
乘茲各播種，庶望西成功。  
培根利秋實，仰天望年豐。  
但使陰陽和，自然倉廩充。

三月

孟夏土加潤，苗生無近遠。  
漫漫冒淺陂，芃芃被長阪。  
嘉穀雖已殖，惡草亦滋蔓。  
君子與小人，並處必爲患。  
朝朝荷鋤往，薅耨忘疲倦。  
旦隨鳥雀起，歸與牛羊晚。  
有婦念將飢，過午可無飯。  
一飽不易得，念此獨長歎。

四月

仲夏苦雨乾。二麥先後熟。南風吹隴畝。惠氣散清淑。是爲農夫慶。所望實其腹。酤酒醉比鄰。語笑聲滿屋。紛然收穫罷。高廩起相屬。有周成王業。后稷播百穀。皇天貽來牟。長世自茲卜。願言仍歲稔。四海盡蒙福。

五月

當晝耘水田。農夫亦良苦。赤日背欲裂。白汗灑如雨。匍匐行水中。泥淖及腰膂。新苗抽利劍。割膚何痛楚。夫耘婦當餚。奔走及亭午。無時暫休息。不得避炎暑。誰憐萬民食。粒粒非易取。願陳知稼穡。無逸傳自古。

六月

大火旣西流。涼風日淒厲。古人重稼穡。力田在匪懈。郊行省農事。禾麥何旆旆。礪以他山石。玉粒使人愛。大祀須粢盛。一一稽古制。是爲五穀長。異彼稊與稗。炊之香且美。可用享上帝。豈惟足食人。一飽有所待。

七月

白露下百草。莖葉日紛委。是時禾黍登。充積徧都鄙。在郊旣千庾。入邑復萬軌。人言田家樂。此樂誰可比。租賦以輸官。所餘足儲峙。不然風雪至。凍餒及妻子。優游茅檐下。庶可以卒歲。太平元有象。治世乃如此。

八月

大家饒米麪。何啻百室盈。縱復人力多。春磨常不停。激水轉大輪。碨礲亦易成。古人有機智。用之可厚生。朝出連百車。莫入還滿庭。勾稽數多寡。必假布算精。小人好爭利。晝夜心營營。君子貴知足。知足萬慮輕。

九月

孟冬農事畢，穀粟旣已藏。  
彌望四野空，藁秸亦在場。  
朝廷政方理，庶事和陰陽。  
所用頻歲登，不憂旱與蝗。

十月。

農家值豐年，樂事日熙熙。  
黑黍可釀酒，在牢羊豕肥。  
東鄰有一女，兒年十五六。  
女大亦可笄，財禮不求備。  
多少取隨宜，冬前與冬後。  
婚嫁利此時，但願子孫多。  
門戶可扶持，女當力蠶桑。  
男當力耘耔，財禮不求備。

十一月。

一日不力作，一日食不足。  
慘淡歲云暮，風雪入破屋。  
老農氣力衰，偃僂腰背曲。  
索綯民事急，晝夜互相續。  
飯牛欲牛肥，茭蕩亦預蓄。  
蹇驢雖劣弱，挽車致百斛。  
農家極勞苦，歲豈恆稔熟。  
能知稼穡難，天下自蒙福。

十二月。

右耕

正月新獻歲，最先理農器。  
女工並時興，蠶室臨期治。  
初陽力未勝，早春尙寒氣。  
窗戶當奧密，勿使風雨至。  
田疇耕耨動，敢不修耒耜。  
經冬牛力弱，相戒勤飯飼。  
萬事非預備，倉卒恐不易。  
田家亦良苦，舍此復何計。

正月。

仲春凍初解，陽氣方滿盈。  
旭日照原野，萬物皆欣榮。  
是時可種桑，插地易抽萌。  
列樹徧阡陌，東西各縱橫。  
豈容離落間，採葉憚遠行。  
大哉皇元化，四海無交兵。  
種桑日已廣，彌望綠雲平。  
匪惟錦綺謀，祇以厚民生。

二月。

三月蠶始生。纖細如牛毛。婉孌閨中女。素手握金刀。切葉以飼之。擁紙散周遭。庭樹鳴黃鳥。發聲和且嬌。

蠶飢當採桑。何暇事遊遨。田時人力少。丈夫方種苗。相將挽長條。盈筐不終朝。數口望無寒。敢辭終歲勞。

三月

四月夏氣清。蠶大已屬眠。高首何昂昂。蛾眉復娟娟。不憂桑葉少。徧野如綠煙。相呼攜筐去。迢遞立遠阡。

四月

五月夏以半。谷颶先弄晨。老蠶成雪繭。吐絲亂紛紜。伐葦作薄曲。束縛齊榛榛。黃者黃如金。白者白如銀。爛然滿筐筥。愛此顏色新。欣欣舉家喜。稍慰經時勤。有客相過問。笑聲聞四鄰。論功何所歸。再拜謝蠶神。

五月

釜下燒桑柴。取繭投釜中。纖纖女兒手。抽絲疾如風。田家五六月。綠樹陰相蒙。但聞綠車響。遠接邨西東。旬日可經絹。弗憂杼軸空。婦人能蠶桑。家道當不窮。更望時雨足。二麥亦稍豐。酤酒田家飲。醉倒嫗與翁。

六月

七月暑尚熾。長日弄機杼。頭蓬不暇梳。揮手汗如雨。嚶嚶時鳥鳴。灼灼紅榴吐。何心娛耳目。往來忘偃屨。織爲機中素。老幼要紝補。青燈照夜梭。蟋蟀窗外語。辛勤亦何有。身體衣幾縷。嫁爲田家婦。終歲服勞苦。

七月

池水何洋洋。漚麻水中央。數日庶可取。引過兩手長。織絹能幾時。織布已復忙。依依小兒女。歲晚嘆無裳。

布襦不掩脰念之熱中腸朝緝滿一籃莫緝滿一筐行看機中布計日漸可量我衣苟已成不憂天早霜

八月

季秋霜露降凜凜寒氣生是月當授衣有布織未成天寒催刀尺機杼可無營教女學紡繡舉足疾且輕舍南與舍北嘈嘈聞車聲通都富豪家華屋貯娉婷被服雜羅綺五色相間明聽說貧家女惻然當動情

九月

豐年禾黍登農心稍逸樂小兒漸長大終歲荷鋤鏁目不識一字每念心作惡東隣方迎師收拾令上學後月日南至相賀因舊俗爲女裁新衣修短巧量度龜手事塞向庶禦北風虐人生真可嘆至老長力作

十月

冬至陽來復草木漸滋萌君子重其然吾道自此亨父母坐堂上子孫列前榮再拜稱上壽所願百福并人生屬明時四海方太平民無札瘥者厚澤敷羣情衣食苟給足禮義自此生願言興學校庶幾教化成

十一月

忽忽歲將盡人事可稍休寒風吹桑林日夕聲颼颼牆南地不凍墾掘爲坑溝斫桑埋其中明年芽早抽是月浴蠶種自古相傳流蠹出易脫殼絲纊亦倍收及時不努力知有來歲不手凍不足惜冀免號寒憂

十二月

右織

貢奎

題陳氏所藏著色山水圖

獨臥曉慵起。夢中千萬山。推窗煙雲滿。一笑咫尺間。嫋嫋美人妝。金碧粲笄鬟。素波淨如鏡。綠蘋點溪灣。美哉筆墨工。貌此意度閑。孤禽立圓沙。漁舟遠來還。我方厭闔市。坐對忘朝餐。安得林下扉。深居長掩關。

虞集

赤城館

雷起龍門山。雨灑赤城觀。蕭騷山木高。浩蕩塵路斷。魚龍喜新波。燕雀集虛幔。開戶微風興。倚杖衆雲散。

揭傒斯

山水卷

稍稍雲木動。藹藹煙峯亂。遠浦引歸橈。雙崖臨絕岸。方思隱淪客。欲結漁樵伴。水闊山更遙。幽期空汗漫。

重餞李九時毅賦得南樓月

娟娟臨古戍。晃晃辭煙樹。寒通雲夢深。白映蒼祠莫。胡牀看遙近。楚酒愁難駐。鴈背欲成霜。林梢初泣露。故人明夜泊。相望定何處。且照東湖歸。行送歸舟去。

黃潛

遊西山同項可立宿靈隱西菴

薄游厭人境。振策窮幽躅。理公所開鑿。遺跡在巖麓。秋砂霜葉丹。石面寒泉綠。仰窺條上猿。攀蘿去相逐。逐物情一何適。人事有羈束。卻過猊峯迴。遙望松林曲。前山夜來雨。濕雲漲崖谷。縹緲辨朱甍。禪房帶修竹。

故人丹邱彥抱被能同宿名篇聊一詠異書欣共讀蹉跎未聞道黽勉尙干祿夙有邱壑期吾居幾時卜

薩都刺

秋日池上

顧茲林塘幽消此閑日永飄風亂萍蹤落葉散魚影天清曉露涼秋深藕花冷有懷無與言獨立心自省

貢師泰

遺懷

日入柳風息月上花露多東軒頗幽敞夜靜時一過鳥散庭中樹蟲鳴階下莎北斗何低昂疎星沒橫河獨賞誰晤語感慨成悲歌懷哉巖桂臺邈在姑山阿

姑孰道中

朝發慈姥山莫宿吳公橋日入氣猶溽清懷厭煩囂隔江風雨至綠樹涼蕭蕭鄰舟頗相好有酒忽見招明發波浪闊相望一何遙

迺 賢

賦環波亭送楊校勘季子歸豫章

積水敝華構參差帶幽壑微風動輕蘋綠雲泛珠箔天空夕陰歛川迴游鱗躍徘徊滄洲夢露下翠衾薄公子屬鳴珮逍遙陟延閣微吟省樹移緩步庭花落放舟返春渚言恣林泉樂揮觴靡可留悵望青山郭

吳師道

德興開化道中三首

春晨氣澄穆，雜卉香滿路。  
百舌鳴高林，墟煙淡如霧。  
農夫啓門出，在野各有務。  
行人獨何爲，憧憧自來去。

宿雲逗疎雨，暎暎吐晨旭。  
晴光動千花，霞雪眩川谷。  
白鶲戲深叢，黃鳥鳴灌木。  
俛仰竟忘疲，歷此溪百曲。

兩崖蒼石間，湍水激清瀉。  
山桃爛紅芳，光影連上下。  
春風忽怒起，意乃媚行者。  
飛花撲人來，攬之欲盈把。

周權

夏日偕友晚步飲聽泉軒

終日局環堵，散策窮深幽。  
嘉我二三子，落落誠罕儔。  
適意隨所詣，行行遂經邱。  
青松如高人，含風自蕭颼。  
夕雲度深翠，爽氣衣上浮。  
石根瀉幽泉，戛戛鏘琳球。  
樂彼泉上趣，幽構飛岑樓。  
新蘭秀而滋，舊竹清且修。  
款我情頗厚，清尊頻獻酬。  
盤桓有餘樂，嘯傲成遲留。  
池深風露香，荷意淡欲秋。  
飲散衆喧息，微月生林陬。

接竹引泉

蒼潤隱石脈，幽源迸山椒。  
連筒入雲竇，勢接河漢遙。  
引茲一線秋，高下穿林梢。  
聯絡裊相拄，旋折不辭勞。  
挽之歸我廬，晴雨注屋茆。  
乍窒或細細，久續俄嘈嘈。  
空階落琴筑，虛甕鳴釣韶。  
盥泥足自潔，心迹良已超。  
固無鼎釜珍，頗煮溪澗毛。  
未能學許由，厭喧解風瓢。

湘中

天寒楚雲淨，木落湘山幽。  
空江夜來雨，水滿蘆花洲。  
西風何渺渺，滄波日悠悠。  
有懷誰與言，注目孤鴻秋。

許謙

莫過東津館

薄莫下東津，灘急舟劇箭。漁燈互明滅，隴月時隱見。清颶從東來，涼氣襲我面。目送兩山青，天長浮如練。

陳高

歲首自廣陵入高郵舟中作

北風吹湖水，遠行當歲徂。孤舟無同人，相依唯僕夫。遙睇高郵城，彷彿十里餘。落日去地遠，飛鴈與雲俱。悠悠思故鄉，邈在天南隅。慈親倚門望，我身猶道途。羈旅豈足恤，但念骨肉疎。何當脫行路，歸臥山中廬。

種樟花

炎方有樟樹，衣被代蠶桑。舍西得閑園，種之漫成行。苗生初夏時，料理晨夕忙。揮鋤向烈日，灑汗成流漿。培根澆灌頻，高者三尺強。鮮鮮綠葉茂，燦燦金英黃。結實吐秋蘭，皎潔如雪霜。及時以收斂，采采動盈筐。緝治入機杼，裁翦爲衣裳。禦寒類挾續，老稚免淒涼。豪家植花卉，紛紛被垣牆。於世竟何補，爭先翫芬芳。棄取何相異，感物增惋傷。

周伯琦

野狐嶺嶺界南北甚寒，南下平地則暄矣。

高嶺出雲表，白晝生虛寒。冰霜四時凜，星斗咫尺攀。其陰控朔部，其陽接燕關。澗谷深叵測，梯磴紆百盤。坳垤草披拂，崎嶇石巒巒。輪蹏紛雜還，我馬習以安。悅然九天上，熙熙俯人寰。連岡東重隘，拱揖猶城垣。停鞭履平地，回首勢望尊。絲衣遂頓減，長途汗流濡。亭柳蔭古道，園果登御筵。境雖居庸北，物色幽薌前。

始悟一嶺隔氣候殊寒暄小邑名宣平相距兩舍間牛羊歲蕃息土沃農事專野人敬上官柴門莫款延休養嘉承平禹迹邁古先漢唐所羈縻今則同中原大哉輿地圖垂創何其囂張皇我六師金湯永深堅

陳基

分署望鳳凰山

秋氣日以佳微雲不成雨青山天際來與我爲賓主飛龍及舞鳳突兀在庭戶須臾霧靄收草樹粲堪數  
簪予麋鹿姿詎意嬰圭組蹙縮匪天真驅馳漫塵土偶坐屬無喧晴容湛空宇欲去復踟躕此意誰當與

夏夜懷李尚志

蟋蟀已在壁煩暑猶未歇離居感時序憂端難斷絕綠樹含微風明河湛秋月念子行未歸徘徊至明發

張憲

胡姬年十五擬劉越石

胡姬年十五芍藥正含葩何處相逢好并州賣酒家面開春日滿眉抹遠山斜一笑旣相許何須羅扇遮

楊維楨

送客洞庭西

送客洞庭西雷堆青兩兩陳殿出空明吳城連蒼莽春隨湖色深風將潮聲長楊柳讀書堂芙蓉採菱漿懷人故未休望望欲成往

倪瓚

春日雲林齋居

池泉春漲深。逕苔夕陰滿。諷詠紫霞篇。馳情華陽館。晴嵐拂書幌。飛花浮茗盃。階下松粉黃。窗間雲氣暖。石梁蘿蔓垂。翳翳行踪斷。非與世相違。冥棲久忘返。

述懷

讀書衡茅下。秋深黃葉多。原上見遠山。被褐起行歌。依依墟里間。農叟荷蓀過。華林散清月。寒水澹無波。遐哉棲遁情。身外豈有它。人生行樂耳。富貴將如何。

丙子歲十月八日夜泊閨門將還溪上有懷友仁陸徵君

明發辭吳會。移舟夜淹泊。空宇垂繁星。微雲暝前郭。沉沉抱沖素。悄悄傷離索。歸掃松逕苔。遲君踐幽約。

戊寅十二月丹邱柯博士過林下賦詩次韻酬答

積雪被長坂。臥痾守中林。山川雖云阻。舟楫肯見尋。傾蓋何必舊。相知亦已深。驚風飄枯條。清池冒重陰。聯翩雙黃鵠。飛鳴綠水濱。顧望思鬱紆。徘徊發悲吟。願言齊羽翼。金石固其心。歡樂何由替。黃髮期滿簪。

己卯正月十八日與申屠彥德遊虎邱得客字

余適偶入城。本是山中客。舟經二王宅。弔古覽陳迹。松陰始亭午。嵐氣忽歛夕。欲去仍徘徊。題詩滿苔石。

寄李隱者

南汀新月色。照見水中蘋。便欲乘清影。緣源訪隱淪。君住鈿山湖。綠酒松花春。夢披寒雪去。疑是剡溪濱。

對酒

題詩石壁上。把酒長松間。遠水白雲度。晴天孤鶴還。虛亭映苔竹。聊此息躋攀。坐久日已夕。春鳥聲關關。

早春對雨寄懷張外史

林臥苦泥雨。憂來不可絕。掀幃望天際。春風吹木末。飛蘿散成霧。細草綠如髮。念子獨高世。南山修隱訣。

王逢

秋夜歎

大星芒芒張。小星光華開。皇天示兵象。勝地今蒿萊。河岳氣不分。燭龍安在哉。參贊道豈謬。積陰故遲回。

疎風夜蕭蕭。野燐紛往來。安知非遊魂。相視白骨哀。汨汨飲馬窟。雲冥望鄉臺。于時負肝膽。慷慨思雄才。

錢選

題浮玉山居圖

瞻彼南山岑。白雲何翩翩。下有幽棲人。嘯歌樂徂年。叢石映清泚。嘉木澹芳妍。日月無終極。陵谷從變遷。

陳孚

煙寺晚鐘

山深不見寺。藤陰鏽修竹。忽聞疎鐘聲。白雲滿空谷。老僧汲水歸。松露墮衣綠。鐘殘寺門掩。山鳥自爭宿。

何中

春風如少年效程漢翁

春風如少年。狂逐無定處。垂楊曲江隄。細草東郊路。祇言今似昔。不悟新非故。流水何時歸。殘鶯數聲暮。

招仙觀

逶迤溪南路。窈窕招仙谷。空堂兩道人。殘棋映深竹。一葉響疎籬。雙鴉曉高屋。出門隨歸人。遠燒在山麓。  
知非堂夜坐

遊樂安穆山寺

前池荷葉深。微涼坐來爽。人歸一犬吠。月上百蟲響。余非洽隱淪。隙地成偃仰。林端斗柄斜。撫心獨悽愴。  
秋陰出南郭。佳色來遠山。悠然渡野水。卻宿前林間。朝氣銳幽步。相攜上孱顏。行穿綠蘿遠。共愛青杉閒。  
已窮高原路。忽得雙石闢。飛煙帶香氣。深木藏幽潭。景晏鐘磬寂。桂花滿苔斑。道人一尊酒。時聽風珊瑚。  
多悟從此始。塵緣諒能刪。空廊對微雨。亦復不知還。

發新塗金水亭

振衣上野航。回首謝山阪。日澹秋水空。風清片帆遠。沙光侵岸發。峯影隨人轉。前渡煙水深。離亭路今緬。  
曉發辭夫蹊。時李洞溉之先行

荻暗雞鳴邨。平臯下殘月。參差鄰舫語。櫓聲帶潮發。露華望中白。篷陰散秋髮。沙鳥知曙鳴。海雲上空滅。  
念我前行友。青山已飛越。遲爾及相攜。無嗟賞心歇。

照武西塔山報恩寺

山椒敞禪局。幽欣失微倦。密林稍深沉。新筍亦葱蒨。磴折迎空香。臺虛得清囀。芸芸趨前塵。往往遺勝蹟。始知佛力宏。能使地靈見。市聲俯一席。山色照三面。郡小覽易窮。興高賞難徧。微生諒何緣。周流散遐邇。

早起

覺來日已升。花梢衆禽語。何許白浮萍。池間散還聚。起見梅已空。夜來幾更雨。魚行春到水。草暖香在露。溪上人語喧。樵薪滿沙路。

櫩溪

林嶺甚可愛。溪源無盡時。山花已亂發。煙暖東風遲。因與采樵者。坐談樹陰移。日斜自歸緩。我興非人知。

樟樹鎮五公寺

久幽厭拘維。暫弛欣舒散。近關得禪扉。擇步歷蒼蘚。沉沉松陰重。灔澦水光遠。殘花起餘香。乳禽響新囀。虛廊清晝長。高僧坐談簡。學空素所昧。慮妄還自遣。移晷始知歸。生煙滿林晚。

傅若金

和趙德隆秋夕雨

落景翳重城。陰凝起初夕。蕭條飛雨至。散漫輕飈激。洒幌靜彌多。喧簷暴復息。清商亂急管。遙怨生離席。游子恆念鄉。氣淒感時易。旣興北風歎。亦抱南山戚。晨雞不廢度。征鴈無寧翼。嚮道乖夙期。寸陰違所惜。詠歌良可興。幽懷坐填積。

題宜春鍾清卿清露軒清卿能琴

秋氣集太虛，夕光溥高樹。  
時聞陰液墜，暗識商飈度。  
旋旋星動林，英英月霏霧。  
涼局息塵想，幽琴寄元悟。  
寂歷松上聲，逍遙邱中趣。  
釣天澹斜景，銀漢藹微素。  
古調今所稀，大音誰能喻。  
仙人飲沆瀣，壽命金石固。  
千歲不可期，空歌徒延慕。

黃清老

訪子威都事不遇

清曉抱綠綺，來就夫君彈。  
夫君久已出，野水流花間。  
石澗度微雨，秋生湖上山。  
松陰坐永日，心與雲俱閑。  
人事有離合，白鷗聊共還。

福山菴

晨光海上來，雲山升萬壑。  
雞鳴落花中，殘鐘度城郭。  
書燈夜搖動，霧氣侵几閣。  
開扉得新月，欲掩見棲雀。  
煙霞暫相違，筆硯庶有託。  
但留松間雪，付與雙白鶴。  
庭柯換故葉，林竹脫新籜。  
何日芝蘭開，擎舟赴前約。

劉詵

送范主一憲郎

庸夫老邱里，志士輕山川。  
古來環轍人，往往皆才賢。  
范君繡衣家，白璧生藍田。  
清游半朔南，征衫積濤煙。  
崇臺交辟剗，思親理歸船。  
吳州肯暫駐，風概傾四筵。  
揮毫走秋蛟，吐句紆春漣。  
清霜淨江波，冰花寒更妍。  
櫂謳催客發，風正帆始懸。  
翩翩鳳凰領，終當儀九天。

出墅初冬

鄰春五更動機杼響俱發薄霜厲僧宇天西輾孤月驛馬嘶不已壁蛩鳴乍歇故人期不來山莊多落葉

戴良

贈別呂用明

旅鴈薄霄遊輕鷗掠水飛相逢多間阻所向有高卑偶此風雨過解后洲渚湄翩翩形影亂噭噭鳴聲悲日落水氣寒月高風景移矰繳發中流又復夜驚離回翔空有志棲宿定何時飄飄天衢上往慎子毛氏

贈別祝彥明

悵望臨荒蹊驅馳騁遐步江紆練月初山標綵霞莫天長路易迷水深舟難渡征人去不息倦僕立相顧此時悲送君安能髮不素

抵當陽宿縣治作

戾戾風蕩波鱗鱗雲出崿乘軺臨安道指景富春郭是節春已暮遙塗寒尚薄升陽對人掩傾潤灑衣落解鞍憩危嶺倚劍望幽壑飢禽聲固慘哮虎勢尤惡旣暝入公署息念坐塵閣俯思還浦魚仰憶迴風鶴以之念鄉縣臨觴不能酌

宿高密

長途跋且涉征車馳復息曉旦發東膠落景次高密城居不幾戶驛舍僅容膝僕馬立空曠徒侶話曛黑客情旣牢落世議復紛惑前險雖幸過後艱方未測骨肉在遠道親朋皆異域縱云當別家胡乃輕去國

明朝望鄉處，嗚咽淚霑牕。

湖下對雨有懷天淵老禪

空濛暗遙甸，淅瀝響高樹。乍繁林表來，復灑重湖去。瀟瀟孤興發，望望寒川暮。念與道人期，雲深不知處。

謝應芳

倪元鎮過婁江寓舍因偕智愚隱遊姜公墩得如字

秋暑賈餘勇，懷抱方焚如。故人江上來，風雨與之俱。遂令沸羹鼎，化爲寒露壺。幽尋陟崇邱，飄飄素霞裾。同遊得名縑，吟嘯興不孤。大樹倚高蓋，小酌歡有餘。三江五湖上，羣峯開畫圖。獨憐我鄉土，煙塵尙模糊。安知艱虞世，得此暇日娛。一笑百慮忘，松風奏笙竽。

甘復

宿山家

木落秋滿山，窗虛夜涼集。風吹海月生，露洗苔衣濕。野客愛清冷，長瓢暝中汲。

曉出西園由谷中歸

披褐入西園，煩襟散清曉。微風動高樹，零露下芳沼。始行幽谷中，忽出青林杪。流水漂餘花，修筠度啼鳥。身緣翠石迴，思逐白雲杳。負杖孤賞懷，春闌綠陰悄。

李序

遠愁曲

桃杏忽已殘。穠花逐流水。綠階日色重。芳草青靡靡。飛燕銜落花。春風共吹起。飄散不相知。愁心滿千里。

卷二

七言古

元好問

遊黃華山

黃華水簾天下絕。我初聞之雪溪翁。丹霞翠壁高歡宮。銀河下濯青芙蓉。昨朝一遊亦偶爾。更覺摹寫難爲功。是時氣節已三月。山木赤立無春容。湍聲洶洶轉絕壑。雪氣凜凜隨陰風。懸流千丈忽當眼。芥蒂一洗平生胸。雷公怒激散飛雹。日腳倒射垂長虹。驪珠百斛供一瀉。海藏翻倒愁龍公。輕明圓轉不相礙。變見融結誰爲雄。歸來心魄爲動蕩。曉夢月落春山空。手中仙人九節杖。每恨勝景不得窮。攜壺重來巖下宿。道人已約山櫻紅。

王右丞雪霽捕魚圖

江雲滉滉陰晴半。沙雪離離點江岸。畫中不信有天機。細向樹林枯處看。漁浦移家魄未能。扁舟蕭散亦何曾。白頭歲月黃塵裏。笑殺高人王右丞。

泛舟大明湖待杜子不至

長白山前繡江水。展放荷花三十里。看山水底山更佳。一堆蒼煙收不起。山從陽邱西來青一彎。天公擲

下半玉環大明湖上一杯酒。昨日繡江眉睫間。晚涼一櫂東城渡。水暗荷深若無路。江妃不惜水芝香。狠  
籍秋風與秋露。蘭襟鬱鬱散芳澤。羅襪盈盈見微步。晚晴一賦畫不成。枉著風標誇白鷺。我時驂鸞追散  
仙。但見金支翠蕤相後先。眼花耳熱不稱意。高唱吳歌叩兩舷。喚取樊川搖醉筆。風流聊與付他年。

湧金亭示同遊諸君

太行元氣老不死。上與左界分山河。有如巨鼈昂頭西入海。突兀已過餘坡陀。我從汾晉來。山之面目腹  
背皆經過。濟源盤谷非不佳。煙景獨覺蘇門多。湧金亭下百泉水。海眼萬古留山阿。觱沸瀨水源。瀰淪晉  
溪波。雲雷涵鬼物。窟宅深蛟竈。水妃簸弄明月璣。地藏發泄天不訶。平湖油油碧於酒。雲錦十里翻風荷。  
我來適與風雨會。世界三日漫兜羅。山行不得山。北望空長哦。今朝一洗衆峯出。千鬟萬髻高峨峨。空青  
斷石壁。微茫散煙蘿。山陽十月未搖落。翠蕤雲旛相盪摩。雲煙故爲出。濃淡魚鳥似欲留。婆娑石間仙人  
跡。石爛跡不磨。仙人去不返。六龍忽蹉跎。江山如此不一醉。拊掌笑殺公孫和。長安城頭烏尾訛。并州少  
年夜枕戈。舉杯爲問謝安石。蒼生今亦如卿何。元子樂矣君其歌。

天門引

秦王宮中不得近。從破衡成欲誰信。白頭遊客困咸陽。顚頽黃金百斤盡。海中仙人黃鶴舉。大笑人間爭  
腐鼠。丈夫何意作蘇秦。六印才堪警兒女。古來多爲虛名老。不見阿房淨如掃。千年虎豹守天門。一日牛  
羊臥秋草。

湘夫人詠

木蘭芙蓉滿芳洲。白雲飛來北渚遊。千秋萬歲帝鄉遠。雲來雲去空悠悠。秋風秋月沅江渡。波上寒煙引輕素。九疑山高猿夜啼。竹枝無聲墮殘露。

西樓曲

游絲落絮春漫漫。西樓曉晴花作團。樓中少婦弄瑤瑟。一曲未終坐長歎。去年與郎西入關。春風浩蕩隨金鞍。今年匹馬妾東還。零落芙蓉秋水寒。并刀不翦東流水。湘竹年年淚痕紫。海枯石爛兩鴛鴦只合雙飛便雙死。重城車馬紅塵起。乾鵠無端爲誰喜。鏡中獨語人不知。欲插花枝淚如洗。

望雲謠

涉江采芙蓉。芙蓉待秋風。登山采蘭苕。蘭苕霜早凋。美人亭亭在雲霄。鬱搖行歌不可招。湘絃沉沉寫幽怨。愁心歷亂如曳繭。金支翠蕤紛在眼。春草迢迢春波遠。

望歸吟

塞雲一抹平如截。塞草離離臥榆葉。長城窟深戰骨寒。萬古牛羊飲冤血。少年錦帶佩吳鉤。獨騎匹馬覓封侯。去時只道從軍樂。不道關山空白頭。北風吹沙雜飛雪。弓弦有聲凍欲折。寒衣昨夜洛陽來。腸斷空關擣秋月。年年歲歲望還家。此日歸期轉天涯。誰與南州問消息。幾時重拜李輕車。

尹廷高

蘆溝望月

闌干滉漾晨霜薄。馬度石橋人未覺。滔滔流水去無聲。月輪正挂天西角。千邨萬落荒雞鳴。大車小車相

間行停鞭立盡楊柳影孤鴻滅沒青山橫。

郝經

賢臺行古黃金臺也土人稱爲賢臺。

高臺突兀燕山碧黃金泥多土猶濕曉日曈曨赤羽旗燕王北面親前席費盡黃金臺始成一朝拜隗人盡驚誰知平地幾層土中有全齊七十城禮賢復讎燕始霸遂與諸侯雄並駕七百年來不用兵一戰轟然駭天下二城未了昭王殂火牛突出騎劫誅臺上黃金少顏色惠王空讀樂毅書古來燕趙多奇士用舍中間定興廢還聞趙括代廉頗敗國亡家等兒戲燕子城南知幾年臺平樹老漫荒煙莫言骐驥能千里祇重黃金不重賢。

趙孟頫

桃源春草圖爲商德符學士

宿雲初散青山濕落紅繢紛溪水急桃花源裏得春多洞口春煙搖綠蘿綠蘿搖煙掛絕壁飛泉淙下三千尺瑤草離離滿澗阿長松落落凌空碧雞鳴犬吠自成邨居人至老不相識瀛洲仙客知仙路點染丹青寄輕素何處有山如此圖移家欲向山中住

馬祖常

楊花宛轉曲

空中遊絲已無賴宛轉楊花猶百態隨風撲帳拂香奩度水點衣繁錦帶輕薄顛狂風上下燕子囂兒各

新嫁釵頭燼墜玉蟲初。盆裏絲繅銀繭乍。欲落不落春草平。無根無蒂作浮萍。  
纈波繡苔總成媚。人間景好是清明。清明艷陽三月天。帝里煙花市酒船。石橋橫直人家好。小海白魚跳碧藻。  
榆莢荷錢怨別離。不似楊花宛轉飛。楊花飛盡綠陰合。更看明年春雨時。

曹伯啓

陪諸公杖屨登梁王吹臺悠悠悼古之情不能自己呈孟子周子文二友

天宇廓然秋已莫。幽人欲作登高賦。聯鑣沽酒上繁臺。千古興亡一回顧。  
百鳥喧啾塔半摧。荆榛掩映臺前路。黃花采采未咸歡。目斷荒城起煙霧。

虞集

張令鹿門圖

張侯襄陽人。深知襄陽樂。十年宦學懷襄陽。故托豪縑寫山郭。老我不樂思蜀都。人言嵩陽好隱居。  
三十  
六峯常對面。水竹田廬還可圖。欲往不能心惄惄。忽見新圖被山惱。沙禽浦樹俱可人。金澗石牀爲誰好。  
向來耆舊皆英雄。駕言從之道焉從。弄珠月冷識游女。沉劍潭深知臥龍。八月霜晴水清淺。聞道扁舟足迴轉。  
何時古寺傍檀溪。幾處殘碑在江峴。呼鷹臺高秋草多。養魚池中蓮茭波。蜀嵩未必不如此。我今不遊奈老何。  
張侯張侯早結屋。莫待史詹爲君卜。要看隴上課兒耕。好在魚梁白沙曲。

家兄孟修父輸賦南還

大兄五月來作客。八年不見頭總白。五人兄弟四人在。每憶中郎淚沾臆。我家蜀西忠孝門。無田無宅惟

書存兄雖筦庫實父蔭弟竊微祿承君恩文章不如仲氏好叔氏最少今亦老五郎十歲未知學嗟我何爲長遠道諸兒讀書俱不多又不力耕知奈何憂來每得二三友看花把酒臨風哦蜀山嵯峨歸未得盤盤先壠臨川側碧梧翠竹手所移應與青松各千尺南風吹雪河始冰兄歸烏帽何裊裊明年乞身向天子共讀父書歌太平

畫鶴

薛公少保昔畫鶴毛羽蕭條向寥廓通泉縣壁久微茫故物都非況城郭長鳴闕步貌閑暇解寫高情亦奇作田中芝草日應長石上松花晚猶落赤壁江深孤月小白雲野迥秋霄薄羣帝相從絳節朝八公許製黃金藥誤嬰塵網迹易迷移召中洲夢如昨借懸素壁憶真侶忽有微風動林壑碧虛寥寥積雪高直過蕭臺絕棲泊

范 柝

題李白郎官湖

當時郎官奉使出咸京仙人千里來相迎畫船吹笛弄綠水何意芳洲遺舊名唐祠蕪沒知何代惟有東流水長在黎侯獨起梁棟之彷彿雲中昔軒蓋南飛越鳥北飛鴻今古悠悠去住同富貴何如一杯酒愁來無地醉西風大別山高幾千尺隔城正與祠相值青猿夜抱月光啼挂在東湖之石壁黎侯本在斗南家枕戈猶自憶煙霞祇擬將身報天子不負胸中書五車昨者相逢玉闕下別來幾日秋瀟灑黃葉當頭亂打人門前繫著青驄馬君今歸去釣晴湖我亦明年辭帝都若過湖邊定相見爲問仙人安穩無

王氏能遠樓

游莫羨天池鵬歸莫問遼東鶴人生萬事須自爲跬步江山卽寥廓請君得酒勿少留爲我痛酌王家能遠之高樓醉捧句吳匣中劍斫斷千秋萬古愁滄溟朝旭射燕甸桑枝正搭虛窗面崑崙池上碧桃花舞盡東風千萬片千萬片落誰家願傾海水溢流霞寄謝尊前望鄉客底須惆悵惜天涯

揭傒斯

夏五月武昌舟中觸目

兩鬢背立鳴雙櫓短蓑開合滄江雨青山如龍入雲去白髮何人竝沙語船頭放歌船尾和篷上雨鳴篷下坐推篷不省是何鄉但見雙雙白鷗過

高郵城

高郵城城何長城上種麥城下種桑昔日鐵不如今爲耕種場但願千萬年盡四海外爲封疆桑陰陰麥茫茫終古不用城與隍

黃潛

陽山昱上人訪予吳門寓舍求爲湘竹詩予辭以未見竹上人不遠六十里自山中昇其竹而來好有如此者欣然爲賦長句

道人來自陽山麓手攜舊種千竿竹小裁方斛不盈尺中有瀟湘江一曲未信天工能爾奇不知地脈從誰縮晴窗翛翛散烟霧眼底森然立羣玉豈期我乃累此君蒙犯風埃走塵俗故山方遠重愁絕新句未

成漸迫促黃岡之產大中椽政用材美剖其腹願言保此終天年歲莫山中伴幽獨

薩都刺

燕姬曲 一作楊花曲

燕京兒女十六七顏如花紅眼如漆蘭香滿路馬塵飛翠袖籠鞭嬌欲滴春風淡蕩搖春心錦箏銀燭高堂深繡衾不暖錦鴛夢紫簾垂霧天沉沉芳年誰惜去如水春困著人倦梳洗夜來小雨潤天街滿院楊花飛不起

相逢行贈別舊友治將軍并序

予遷官出閩舟行抵興田驛二十里許俄聞擊鳴金鼓應響山谷間隨見旌旗導前兵卒衛後中有乘馬者毳袍帕首徐行按轡屢目吾舟吾病久氣餒不能無懼心也頃之興田驛吏以行輿見迓遂舍舟乘輿嚮之旌旗兵卒移導輿前馬從輿後輿行馬鳴途中未敢交一語迨莫至邸舍燭光之下毳袍者進曰某乃建之五夫巡檢官聞使君至候此將一月矣某嘗三識使君面自都門一別今已五載使君豈遺忘之耶僕驚謝曰將軍何人也答曰某即使君舊友雲中也熟視久之恍如夢寐雲中復能紀予闕下丰采時否耶歷歷關河舊遊如隔世乃對燭光夜道故舊明日復同遊武夷九曲煮茶酌酒臨流賦詩出入丹崖碧嶂間心與境會天趣妙發長歌劇飲相與爲樂酒闌興盡秋風淒淒落木雨下閩關在望復作遠行予始見君而懼次得君而喜終會君而樂又得名山水以發揮久別抑鬱之懷樂甚而復別別而復悲悲復繼之以思也嗟夫人生聚散信如浮雲地北天南會有相見因賦詩復爲相逢行

以送之。

一年相逢在京口。笑解吳鉤換新酒。城南桃杏花正開。白面青衫鞭馬走。一年相逢白下門。短衣窄袖呼郎君。朝馳燕趙莫吳楚。逸氣自覺凌青雲。一年相逢在闕下。東家蹇驢日相假。有如臣甫去朝天。泥滑沙隄不敢打都門。一別今五年。今年相逢滄海邊。千山木葉下如雨。鴈聲墮地秋連天。將軍毳袍腰羽箭。擁馬旌旗照溪面。小官不識將軍誰。臥病孤舟強相見。豈知此地逢故人。摩挲老眼開層雲。舊遊歷歷似隔世。夜雨豈不思同羣。郎君別後瘦如許。無乃從前作詩苦。溪頭月落山館深。翦燭猶疑夢中語。人生聚散亦有時。且與將軍遊武夷。弓刀挂在洞前樹。洞裏仙童來覓詩。稽首武夷君。借我幔峯頂。分我紫霞漿。與子連夜飲。左手招子喬。右手招飛瓊。舉觴星月下。聽吹雙鳳笙。我酌一杯酒。持勸天上月。勸爾長照人。相逢莫向關山照離別。鳳笙換曲曲未終。天風木杪吹晨鐘。拂衣罷宴下山去。又隔雲山千萬重。

織女圖

蘭閨織錦秦川女。大姬啞啞弄機杼。小姬織倦何所思。簾幕無人燕雙語。成都花發江水春。門前馬嘶車轔轔。髻鬟兩珥看欲墮。蛾眉八字畫不伸。良人一去無消息。冰蠶吐絲成五色。柔腸九曲細於絲。萬縷春愁正如織。綺窗睡起聞早鶯。西樓月落金盤傾。暖霞拂地海棠曉。香雪灑戶梨花晴。日長深院機聲動。梭影穿花飛小鳳。水心驚起鴛鴦飛。花底不成胡蝶夢。纖纖玉指柔且和。香鉤小轡裁春羅。滿懷心事付流水。盪日雲錦生層波。佳人自古多命薄。風裏楊花隨處落。豈知醜婦嫁田家。生則同衾死同椁。君不聞長安市上花滿枝。東家蝴蝶西家飛。籠中鸚鵡喚新主。門外待兒更故衣。又不聞田家婦。日掃春蠶宵織布。

催租縣吏夜打門。荆釵布裙夫短袴。我題此畫三嗟吁。百年醜好皆虛無。排雲便欲叫閨闥。爲我獻上幽風圖。

過嘉興

三山雲海幾千里。十幅蒲帆挂煙水。吳中過客莫思家。江南畫船如屋裏。蘆芽短短穿碧沙。船頭鯉魚吹浪花。吳姬盪槳入城去。細雨小寒生綠沙。我歌水調無人續。江上月涼吹紫竹。春風一曲鷓鴣吟。花落鶯曉滿城綠。

宋无

烏夜啼

露華洗天天墮水。燭光燒雲半空紫。施夜醉芙蓉洲。金絲玉簧咽清秋。鼙鼓鞭月行春雷。洞房花夢酣不迴。宮中夜夜驟棲鳥。美人日日歌吳歛。吳王國破歌聲絕。鬼火青熒生碧血。千年壞塚耕狐兔。烏銜紙錢挂枯樹。髑髏無語滿眼泥。曾見吳王歌舞時。烏夜驟驟爲誰。身前歡樂身後悲。空留瑟怨傳相思。烏夜啼。別離。

戰城南

漢兵鏖戰城南窟。雪深馬僵漢城沒。凍指控弦指斷折。寒膚著鐵膚破裂。軍中七日不火食。手殺降人吞熱血。漢懸千金購首級。將士銜枚夜深入。天愁地黑聲啾啾。鞍下髑髏相對泣。偏裨背負八十創。破旗裹尸橫道旁。殘卒忍死哭空城。露布獨有都護名。

迺 賢

答祿將軍射虎行并序。

答祿將軍世爲乃蠻部主歸國朝拜隨潁萬戶平金有功事載國史其出守信陽射虎之事尤偉曾孫與權舉進士爲祕書郎官與余雅善間言其事因徵作歌。

將軍部曲瀚海東三千鐵騎精且雄久知天命屬真主奮身來建非常功世祖神謨涵宇宙坐使英雄皆入彀十年轉戰淮蔡平帳下論功封太守信陽郭外山嵯峨長林大谷青松多白額於菟踞當道城邊日落無人過將軍聞之毛髮豎拔劍誓天期殺虎彎弓走馬出東門傾城來看誇豪武猛虎磨牙當路嗥目光睽睽斑尾搖據鞍一叱雙背裂鳥飛木落風蕭蕭金弨琿弓鐵絲箭滿月弦開正當面雕翎射沒錦毛摧厓石崩騰腥血濺萬人歡笑聲震天剖開一箭當心穿父老持杯馬前拜祝公眉壽三千年將軍立功期不朽奇事相傳在人口可憐李廣不封侯卻喜將軍今有後承平公子祕書郎文場百步曾穿楊咫尺風雲看豹變鳴珂曳履登明堂虎旣剖箭鏃正貫于心中。

吳 莱

風雨渡揚子江

大江西來自巴蜀直下萬里澆吳楚我從揚子指蒜山舊讀水經今始覩平生壯志此最奇一葉輕舟傲煙雨怒風鼓浪屹於城滄海輸潮開水府淒迷豔灑恍如見漭漭扶桑杳何所須臾草樹皆動搖稍稍龍龜欲掀舞黑雲鯨漲頗心掉明月貝宮終色悔吟倚金山有暮鐘望窮采石無朝艤誰歟敲齒咒能神或

有僵身言莫吐。向來天塹如有限。日夜軍書費傳羽。三楚崎民類魚鼈。兩淮大將猶熊虎。錦帆十里徒映空。鐵鎖千尋竟然炬。桑麻夾岸收戰塵。蘆葦成林出漁戶。寧知造物總兒戲。且攬長川入尊俎。悲哉險阻惟白波。往矣英雄幾黃土。獨思萬載疏鑿功。吾欲持觴醉神禹。

吳師道

桐廬夜宿

合江亭前秋水清。歸人罷市無餘聲。燈光隱見隔林薄。濕雲閃露青熒熒。樓臺漸稀燈漸遠。何處吹簫猶未斷。淒風冷葉下高桐。半夜仙人來絕巘。江霏山氣生白煙。忽如飛雨洒我船。倚篷獨立久未眠。靜看水月搖清圓。

卷三

七言古

周權

冷泉亭

昔人來自天竺國。縹渺孤雲伴飛錫。天風吹落凝不去。化作奇峯聳空碧。至今裂峽餘雲髓。桂冷松香流未已。翠光圍住玉壺秋。不放晴雷度山趾。道人宴坐無生滅。炯炯層胸照冰雪。夜深出定汲清冷。寒猿號斷西巖月。

岑安卿

題晴川圖

清溪粼粼生淺花。曉日倒射搖金沙。翩然雙鷺下危石。玉雪照影無纖瑕。溪邊小景入圖畫。青煙綠樹漁翁家。漁翁歸來歌未終。鶯鶯忽起蘆花風。回眸遙望不可極。但見白玉飛青空。昔年夜宿瀟湘浦。徹曉不眠聽急雨。解衣曳杖立沙頭。何似今朝得容與。長安馬寒泥沒腹。雪滿朝衣凍肩縮。試令援筆題此圖。長篇應賦歸來曲。

胡天游

楊花吟

吳江春水拍天涯。江上風吹楊柳花。花飛滿空無處所。隨風直渡吳江水。渡水隨風太有情。繁花惹草恣輕盈。狂如舞蝶穿花徑。細逐流鶯度綺城。綺城樓閣連天際。楊花飛入千門去。飛去飛來稍覺多。紛紛如雪奈君何。珠簾繡箔深深見。舞榭妝樓處處過。樓中美人春睡起。愁見楊花思蕩子。蕩子飄零去不歸。楊花歲歲點春衣。夢魂不識天涯路。願作楊花片片飛。

周伯琦

天馬行應制作并序

至正二年歲壬午七月十有八日西域拂郎國遣使獻馬一匹高八尺三寸修如其數而加半色漆黑後二蹏白曲項昂首神俊超逸視他西域馬可稱者皆在闕下金轡重勒馭者其國人黃鬚碧眼服二

色窄衣言語不可通以意諭之凡七度海洋始達中國是日天朗氣清相臣奏進上御慈仁殿臨觀稱歎遂命育於天閑飼以肉粟酒漚仍敕翰林學士承旨臣曠命工畫者圖之而直學士臣揭傒斯贊之蓋自有國以來未嘗見也殆古所謂天馬者邪承詔賦詩題所圖畫臣伯琦謹獻詩曰

飛龍在天今十祀重譯來庭無遠邇川珍嶽貢皆貞符神駒躍出西洼水拂郎蕞爾不敢留使行四載數萬里乘輿清暑灤河宮宰臣奏進闔闈裏昂昂八尺阜且偉首揚渴烏竹批耳雙蹠縣雪墨漬毛疏駿擁霧風生尾朱英翠組金盤陀方瞳夾鏡神光紫聳身直欲凌雲霄盤辟丹墀卻閑顧黃鬚圉人服龍詭蟬鞶如縈相諾唯羣臣俯伏呼萬歲初秋曉霽風日美九重洞啓臨軒觀衰衣晃耀天顏喜畫師寫倣妙奪神拜進御牀深稱旨奉來相向宛轉同一入天閑誰敢齒我朝幅員古無比朔方鐵騎紛如蝗山無氛祲海無波有國百年今見此崑崙八駿遊心侈茂陵大宛贊兵紀聖皇不卻亦不求垂拱無爲靜邊鄙遠人慕化致壤奠地角已如天尺只神州苜蓿西風肥收斂驕雄聽驅使屬車歲歲幸兩京八鸞承御壯瞻視騶虞麟趾並樂歌越雉旅獒盡風靡迺知感召由真龍房屋孕秀非偶爾黃金不用築高臺髦俊聞風一時起願見斯世皞皞如羲皇按圖畫卦復茲始

張憲

白苧舞詞

吳宮美人青犧刀自裁白苧製舞袍輕雲冉冉白勝雪激楚一曲回風高九雛鳳釵鑿紫玉長裙窄腰蓮步促翩翻素袖啓朱櫻金籠鸚鵡飛來熟館娃樓閣搖春暉臺城少年醉忘歸瑤窗綺戶鎖風色桃樹日

長蝴蝶飛傾城獨立世希有罷吟綠水停楊柳急管繁絃莫苦催真珠賸買烏程酒

二月八日遊皇城西華門外觀嘉孥弟走馬歌

春風壓城紫燕飛繡鞍寶勒生光輝軟沙青草平似鏡花雨滿巾風滿衣潛蛟雙綰玉抱肚朱鬢分光散紅霧金龍五爪蟠彩袍滿背真珠撒秋露生猿俊健雙臂長左腳踢鐙右蹴韁銅鏡四扇遶十指玉聲珠碎金琅璫黃蛇下飲電掣地錦鷹打兔起復墜神雲突兀鞍面空銀甕駝囊兩邊絕西宮綵樓高接天鳳凰繚繞排神仙玉皇拍闌誤一笑不覺四跋如迸煙神駒長鳴背凝血郎君轉面醉眼纈天恩翦下五色雲打鼓歸來汗如雪

北庭宣元杰西番刀歌此刀乃江浙平章教化公征淮西所佩者

金神超特水火齊煅鍊陰陽結精銳七月七日授治師手作鉗鎗股爲礪一千七百七十鋒脊高體狹刀口洪龍飛蛟化歲月久阮師舊物今無蹤呱哇繡鏽柔可曲東倭純鋼不受觸賢侯示我西番刀名壓古今刀劍錄三尖兩刃圭首圓劍脊點點生黑煙朱砂斑痕點人血雕青皮軟金鈎聯唐人寶刀誇大食於今利器稱米息十年土渾松紋生戎王造時當月蝕平章遺佩固有神朱高固始多奇勳三公重器不虛授往繼王祥作輔臣

楊維楨

鴻門會

天迷關地迷戶東龍白日西龍雨撞鐘飲酒愁海翻碧火吹巢雙猰㺄暗言范增項莊照天萬古無二鳥

殘星破月開天餘。此言沛公當獨王天下。羽不得分也。座中有客天子氣。左腋七十二子連明珠。軍聲十萬振屋瓦。拔劍當人面如赭。將軍下馬力拔山。氣卷黃河酒中瀉。劍光上天寒彗殘。明朝畫地分河山。將軍呼龍將客走。石破青天撞玉斗。

廬山瀑布謠并序。

甲申秋八月十六夜。予夢與酸齋仙客游廬山。各賦詩。酸齋賦彭郎詞。予賦瀑布謠。  
銀河忽如瓠子決。瀉諸五老之峯前。我疑天仙織素練。素練脫軸垂青天。便欲手把并州翦。翦取一幅玻瓈煙。相逢雲石子。有似捉月仙。酒喉無耐夜渴甚。騎鯨吸海枯桑田。忽然化作十萬丈。玉虹倒挂清冷淵。

張昱

過歌風臺

世間快意寧有此。亭長還鄉作天子。沛宮不樂復何爲。諸母父兄知舊事。酒酣起舞和兒歌。眼中盡是漢山河。韓彭受誅黥布戮。且喜壯士今無多。縱酒極歡留十日。感慨傷懷涕沾臆。萬乘旌旗不自尊。魂魄猶爲故鄉惜。從來樂極自生哀。泗水東流不再回。萬歲千秋誰不念。古之帝王安在哉。莓苔石刻今如許。幾度秋風灞陵雨。漢家社稷四百年。荒臺猶是開基處。

倪瓈

劉君元暉八月十四日邀余翫月快雪齋中命余詩因賦  
捲簾見月形神清。疑是山陰夜雪明。長歌欲覓鄰溪戴。悵然停杯遠恨生。爾營茅齋名快雪。邀我吹笙弄

明月明星如銀浮翳消垂露成帷桂花發酒波蕩漾天河傾笙聲嫋嫋秋風咽古人與我不竝世鶴思鷗情迴愁絕

周霆震

古金城謠并序

國家承平百年武備寢弛盜發徐穎熾於漢淮武昌南紀雄藩一旦灰滅洪省堅壁寇蔓延諸郡水陸犬牙北來名將相繼道殞丞相出督步騎直抵高郵事垂成以讒廢方面多貴游子弟貪鄙庸才虛張戰功肆意罔上誅求冤濫慘酷百端重以吏習舞文旁羅鷹犬意所欲陷卽誣與賊通其弊有不忍言者間存一二廉介則又矜獨斷昧遠圖坐失機會民日以敝盜日以滋廬壽舒三州屏蔽上流廬壽旣沒舒獨當鋒鏑之衝至正十年壬申進士余闢以淮西元帥之節來鎮廣設方略招徠補葺備戰守豐軍儲賊飲恨不得逞朝廷嘉其功授淮南參知政事自是日與賊遷受圍凡四十有二大小二百餘戰江西賴以苟安坐視弗援十八年正月丙午城遂陷公一門爭先赴死閩郡無一生降賊黨舉手加額稱余元帥天下一人購得其尸城下池中禮葬之傷哉寄痛哭于長歌使後人哀也

昆侖烈風撼坤軸日車斂轡咸池浴六龍飲渴呼不聞赤幢玄纛厭人肉荆襄弗支廬壽孤江東掃地如摧枯忠臣當代誰第一七載舒州天下無東南北此地關形勝天柱之峯屹千仞當年赤壁走曹瞞天爲孫吳產公瑾我公千載遙相望崎嶇恆以弱擊強孤城大小二百戰食盡北拜天無光當關援劍蒼龍吼盡室肯汚姦黨手摧鋒闔郡無生降羣盜言之皆稽首堂堂省憲羅公卿建官分閫日募兵哀哉坐視無寸

策遂使流血西江平。向來不曉皇穹意。名將南征死相繼。一時貪暴聚庸才。玩寇偷安斃富貴。河流浩浩龍門西。燕山萬騎攢霜蹄。英雄暴骨心未死。去作梅花催朝雞。玉衣飛舞空中見。太息孤忠塵百戰。五陵元氣待天還。睢陽誰續中丞傳。

楊 兔

金谷行

洛陽園池天下無。金谷近在西城隅。晉時花草不復見。野人猶解談齊奴。齊奴豪奢誰比數。酒醒愛擊珊瑚株。後堂春風滿桃李。中有一枝名綠珠。千金買步帳。百金買氍毹。時時吹笛替郎語。雲窗霧戶長歡娛。層階欲下須人扶。豈料一日能捐軀。紅飛玉碎頃刻裏。空使行客悲躊躇。樓頭小婦感恩死。君臣大義當何如。

陳 孜

河間府

北風河間道。沙飛雲浩浩。上有銜蘆不鳴之寒鴈。下有隕霜半死之秋草。城外平波青黛光。大魚跳波一尺長。牧童吹笛楓葉裏。疲牛倦馬眠夕陽。有禽大如鶴。紅喙搖綠煙。路人指我語。似是信天緣。我生功名付樽酒。衣如枯荷馬如狗。爲問天緣可信否。旗亭擊劍寒蛟吼。

居庸疊翠

斷崖萬仞如削鐵。鳥飛不度苔石裂。嵯峨枯木無碧柯。六月太陰飄急雪。寒沙茫茫出關道。駱駝夜吼黃

雲老征鴻一聲起長空風吹草低山月小

邕州

左江南下一千里中有交州墮鳶水右江西繞特磨來  
鰐魚夜吼聲如雷兩江合流抱邕管暮冬氣候三  
春暖家家榕樹青不凋桃李亂開野花滿蝮蛇挂屋  
晚風急熱霧如湯濺衣濕萬人塚上蛋子眠三公亭  
下鮫人泣驛吏煎茶茱萸濃檳榔口吐猩血紅颯然  
毛竅汗爲雨病骨似覺收奇功平生所持一忠壯荒  
嶠何殊玉階上明年歸泛兩江船會酌清波洗炎瘴

傅若金

邯鄲行

邯鄲城頭下白日邯鄲市上風蕭瑟故壘空餘鳥雀悲  
荒園只見狐狸出何王墳墓對山阿尙憶諸侯征  
戰多趙客歸來重毛遂秦軍老去畏廉頗黃塵白草宮前道  
鬼火如燈夜相照公子秋來不見過美人月下那聞笑  
當時冠蓋激浮雲搗鐘考鼓宴青春只今惟有郵亭樹還送年年行路人

王士熙

送華山隱歸西湖故居

方士求仙入滄海十二城樓定何在金銅移盤露滿天琪樹離離人不采  
軒轅高拱聖明居羣仙真人左右趨青牛谷口迎紫氣白鶴洞中傳素書  
珊瑚鳴佩星辰遠寂寂珠庭雲霧虛修鬚如漆古仙子玉林芙蓉染秋水  
九關高塞不可留歸去江湖種蘭芷山頭宮殿風玲瓏玄猿飛來千尺松閒房誦經鐘磬響石

壁題詩苔蘚封。欲向君王乞祠祿。安排杖屨來相從。

成廷珪

江南曲

吳姬當壚新酒香。翠綃短袂紅羅裳。上盆十千買一斗。三杯五杯來勸郎。落花不解留春住。似欲隨郎渡江去。酒醒一夜怨鶯鶯。明日蘭舟泊何處。

長江送別圖送周平叔之通州丞

福山蒼蒼倚天碧。狼山巉巉生鐵色。兩山當江作海門。力盡神鞭驅不得。滄波萬里從西來。楚尾吳頭天一壁。陰風轉地鯨怒翻。黑霧連空龍起立。來舟去楫不敢動。袖手旁觀唯歎息。扶桑浴日飛上天。百怪潛消杳無迹。水光鏡淨山亦佳。目送雲帆高百尺。青霄要路君旣官。白首窮途我猶客。煙中隱隱見孤城。令我鄉思心轉劇。驪駒歌罷將奈何。倚杖江南望江北。

劉永之

送羅與敬歸西昌

石龍磯畔多芳草。遊子憶家春已老。水北楊花撲地飛。旁人謾道飛花好。愛子不忍別。送子到水濱。青天孤影飛黃鵠。落日長風吹斷雲。朝發銅塘津。暮宿青泥渡。帆過孝通祠。漸是西昌路。金魚洲遠樹青青。三顧浮煙生杳冥。石扶壞道通高閣。水齧危沙見古城。君家正在何方住。獨有園廬俯江渚。昨夜深閨夢遠人。相思定倚櫻桃樹。

謝應芳

送李彥明歸高郵

老夫歸從東海頭。春風送客歸秦郵。出門復覩鴈北鄉。物我喜得同悠悠。吳船鼓櫂渡江去。烏輪正挂扶桑樹。桃花倚岸笑相看。杜宇催人啼不住。征袍十年塵土多。濯纓今年滄浪歌。一百五日寒食雨。三十六湖春水波交游。臺榭翦荆棘。繼美前修集佳客。誰能喚起老龍眠。重寫耳孫湖上宅。

汪克寬

題道士張湛然彈琴詩卷

嶧山白桐千年枝。金星爛爛蛇蛻皮。文光七軫藍田玉。冰絃細繞吳蠶絲。丹山雲暖鳳凰語。露草寒蛩訴秋雨。娥英泣灑湘筠斑。遷客相逢話羈旅。翠巖懸瀑鏘瓊瑤。雷霆霹靂轟層霄。瞥波細萍浮蕩漾。劈空輕絮飛飄飄。仙林唳鶴驚離別。老龍湫底吟寒月。海門送上子胥潮。澎湃奔騰卷殘雪。羽人瀟灑顏如仙。馮虛來往黃山巔。古音淨洗箏琶耳。何須更濯丹砂泉。

朱希晦

客邸中秋對月

去年中秋秋月圓。浩歌對酒清無眠。煙霏滅盡人境寂。仰看明月懸中天。今年客裏中秋月。靜挹金波更清絕。可憐有月客無酒。不照歡娛照離別。夜闌淅淅西風涼。月中老桂吹天香。悠然長嘯動歸興。坐久零露沾衣裳。浮世悲憐何足數。庾樓赤壁俱塵土。風流已往明月來。山色江聲自今古。

周砥

新郭

汎舟越來溪水旁。溪邊暮色何蒼蒼。主人張筵揮羽觴。吳姬唱歌聲抑揚。船尾挑燈大魚出。船頭洗鱗秋。  
波涼夜如何。其夜未央。萬壑不起星煌煌。酒闌客過別船去。木葉蕭蕭下如雨。船中醉臥忘西東。睡覺猶聞夢中語。此時月落天將曙。隔屋雞啼欲起舞。西風滿天鴻鴈聲。瑟瑟菰蒲響秋渚。

卷四

五言律

元好問

少室南原

地僻人煙斷。山深鳥語譁。清溪鳴石齒。暖日長藤芽。綠映高低樹。紅迷遠近花。林間見雞犬。直擬是仙家。

九月晦日王邨道中

水涸沙仍濕。霜餘草更幽。煙光藏落景。山骨露清秋。坐食知何益。行吟只自愁。隨陽見鴻鴈。三歎惜淹留。

八月并州鴈三卿時作

八月并州鴈。清汾照旅羣。一聲驚晚笛。數點入秋雲。滅沒樓中見。哀勞枕畔聞。南來還北去。無計得隨君。  
乙卯十一月往鎮州

郵靜鳥聲樂。山低鴈影遙。野陰時滉朗。冷雨只飄蕭。涉遠心先倦。衝寒酒易消。紅塵忘南北。渺渺見長橋。

方回

治圃雜書

芍藥抽紅銳。荼蘼縋綠長。幾家蠶落紙。比屋燕分梁。雨深春近。茶煙永日香。詩成懶磨墨。拄杖畫苔牆。

戴表元

苔溪

六月苔溪路。人言似若邪。漁罾挂櫻樹。酒舫出荷花。碧水千塍共。青山一道斜。人間無限事。不厭是桑麻。

黃庚

西州卽事

一雨洗空碧。江城獨倚樓。山吞殘日沒。水挾斷雲流。燈影深邮夜。鐘聲古寺秋。西州舊遊地。十載此淹留。

春日卽事

扶杖行幽逕。園林欲暮天。錦棠紅濯雨。絲柳綠繚煙。春事忽三月。風光又一年。客懷正愁絕。那復聽曉鵠。

書山陰驛

迢遞三山道。重來感舊遊。潮聲寒帶雨。山色淡生秋。寄驛通鄉信。題詩記旅愁。江湖十年客。兩度到西州。

鶴林仙壇寺

古壇歸鶴杳。野鹿自成羣。嵐氣浮清曉。鐘聲出自白雲。樹穿僧屋老。水到寺門分。人世無窮事。山中了不聞。

尹廷高

長蘆舟中夜坐

故國五千里孤帆四十程客懷偏浩蕩鄉夢不分明萬折河流曲三更斗柄橫不眠方宴坐野寺又鐘聲

趙孟頫

魚樂樓

樓下南來水清冷百尺深菰蒲終夜響楊柳半溪陰日月驅人世江湖動客心向來歌舞宴達曉看橫參

大都遇平江龍興寺僧間上座話唐綦毋潛宿龍興寺詩因次其韻

聞說龍興寺多年未款扉風林發松籟雨砌長苔衣殿古燈光定房深磬韻微秋風動歸興一錫向空飛

袁桷

贈瑛上人住洞林

托鉢千巖裏松花凍未開哀猿依講席飢鳥下生臺潭影留雲定鐘聲送月回山中太古雪爲寄一瓢來

馬祖常

送童仁甫之西臺幕

西南萬里地詔屬大行臺秦樹浮天去巴江帶雪來山河無用險邦國正需才臺幕風流美書籤想盡開

貢奎

槍竿嶺

薄宦辭家遠。經秋未得歸。直隨山北去。卻背鴈南飛。川淨白雲起。郊平紅樹微。憶曾留宿處。立馬認還非。

許有壬

荻港早行

虞集

寄丁卯進士薩都刺天錫鎮江錄事宣差

水國宜秋晚。羈愁感歲華。清霜醉楓葉。淡月隱蘆花。漲落高低路。川平遠近沙。炊煙青不斷。山崦有人家。

范椁

盧師東谷懷城中諸友

契闊遽如許。淹留空復情。天遙一鶴上。山合百蟲鳴。異俗嗟何適。冥棲得此生。平居二三子。今夜隔重城。

揭傒斯

黃尊師高軒觀鵝因留宿

開軒南嶽下。世事未曾聞。落葉常疑雨。方池半是雲。偶尋騎鶴侶。來此看鵝羣。一夜潺湲裏。秋光得細分。

衡山縣小渡

古縣依江次。輕輿落岸隈。鳥衝行客過。山向野船開。近嶽皆雲氣。中流忽雨來。何時還到此。明月照沿洄。

黃潛

寄方韶文先生

牢落江南賦知音，寄渺茫鹿麋行處有芝草。夢中香遙興滄溟闊，悲歌白髮長。平生今古淚滴破綠蘿裳，初至寧海二首

地至東南盡城孤，邑屢遷行山雲作路。累石海爲田，蜃炭村村白。櫻林樹樹圓，桃源名更美。何處有神仙，縹渺蛟龍宅。風雷隔杳冥，人家多面水。島嶼若浮萍，煮海鹽煙黑。淘沙鐵氣腥，停驂方問俗。漁唱起前汀，

柳貫

同楊仲禮和袁集賢上都詩

出塞行瞻日，趨朝喜近天。離宮開苑囿，馳道絕風煙。瑤水巡非遠，峒山歷更繇。甘泉多法從，獻賦憶當年。昔建寰中業，初開徼外山。雉城平兀兀，沙水淨灣灣。朱夏宸游正清秋，武衛閑叨陪文學。乘空媿鬢毛班，帳殿層雲障。轅門積雪峰，奇鷹皆戴角。御馬盡飛龍，瀚海將臨幸。云亭望陟封，青邱大羽獵。有事待玄冬，水草方方善弓弧。戶戶便合圍連婦女，從成到曾玄。雪毳千家帳，冰瓢百眼泉。浚稽山更北，長望斗光懸。

薩都刺

用韻寄龍江

之子金山去，梅天霧氣沉。海風吹浪急，江雨入樓深。火盡無茶味，更長過燭心。明朝好晴色，應是寄新吟。

送人之浙東

我還京口去，君入浙東遊。風雨孤舟夜，關河兩鬢秋。出江吳水盡，接岸楚山稠。明日相思處，惟登北固樓。

閩中苦雨

病客如僧懶。多寒擁毳裘。三山一夜雨。四月滿城秋。海瘴連雲起。江潮入市流。釣竿如在手。便可上漁舟。

送南臺從事劉子謙之遼東

往復一萬里。嗟君已兩行。朔風吹野草。寒日下邊城。策馬犯霜雪。逢人問路程。歸期在何日。應是近新正。

山中懷友

自是麒麟種。卑棲又幾年。故廬南雪下。短褐北風前。歲暮山林瘦。天高雨露偏。惟應丈夫志。未受故人憐。

遊梅仙山和唐人韻

仙人不可見。借鶴過仙家。夜臥千峰月。朝餐五色霞。祠空風掃葉。人去鹿啣花。歸隱知何日。分鑪學鍊砂。

宋无

李翰林墓二首

嗜酒傲明時。何因賀監知。承恩金馬詔。失意玉環詞。名與三閭並。身將四皓期。匡山有書讀。應亦嘆歸遲。一騎紫鯨去。空掩謝山塋。落月今誰弔。長庚夜自明。乾坤沉秀氣。江水帶哀聲。天上多官府。文章不可輕。

南峰宴坐僧

空巖槁木形。入定掩松局。鵠供銜來果。猿看誦罷經。雲霞埋衲重。苔蘚上蹊青。只有樵人識。曾因採茯苓。

銅陵五松山中

樵聲聞遠林。流水隔雲深。茅屋在何處。桃花無路尋。身黃松上鼠。頭白竹間禽。應有仙家住。避秦來至今。

寄題無照西園

近地棲禪室。祇園草木薰。磬香花洞雨。衣潤石闌雲。松吹和琴雜。茶煙到樹分。遙知道林輩。來此論玄文。

張翥

丹青小景山水

沙禽毛羽新。來來往往采桑津。野水碧於草。桃花紅照人。徘徊遠山暮。窈窕江南春。芳思不可極。悠然懷釣綸。

迺賢

南地咏古

落日燕城下。高臺草樹秋。千金何足惜。一士固難求。滄海誰青眼。空山盡白頭。還憐易河水。今古只東流。

黃金臺

夢斷朝元閣。來尋賣酒樓。野花迷輦路。落葉滿宮溝。風雨青城暮。河山紫塞愁。老人頭雪白。扶杖話幽州。

壽安殿今爲酒家壽安樓

吳師道

題官舍壁

官舍千峰裏。迎秋氣已清。池煙明鶴影。林雨斷蟬聲。紅惜芙蓉落。青憐薜荔生。今朝少公事。吟嘯且怡情。

周權

郭外

郭外人家少。魚邨颺酒旗。江雲低壓樹。沙竹細穿籬。地暖梅花早。天寒潮信遲。夕陽煙景外。倚杖立移時。  
意行

略約三家市。溪迴野路分。輕噏唏竹露。宿雨落松雲。山寺依巖見。邨春隔鴟聞。欣欣農事集。聊得狎鷗羣。

方瀾

石門曉行

風高木葉脫。從此曉寒新。積雨見初日。遠山如故人。煙邨一葦渡。野寺數家鄰。獨念行藏異。沙鷗未我馴。

盧琦

遊洞嶺寺

古寺藏煙樹。巖扉晝不扃。日高花散影。風定竹無聲。稚子添香火。閑僧閱藏經。新詩吟未就。獨向殿階行。

黃鎮成

鉛山早行

早起辭林館。鄰雞已再嘵。月弦當戶直。斗柄插山高。細濕侵藜杖。輕寒襲布袍。前趨東日上。五色動雲濤。

周伯琦

九月一日還自上京途中紀事

北口七十二居庸第一關。峭厓屏列翠。急澗玉鳴環。佛閣騰雲霧。人家結市闐。馬前軍吏候。使節幾時還。  
紀行詩

元詩別裁

卷四 五言律

車坊尙平地。近嶺畫生寒。拔地數千丈。凌空十八盤。飛泉鳴亂石。危磴護重關。俯視人寰隘。真疑長羽翰。

萬幕懸崖下。高低疎復稠。罽牆聯虎衛。幄殿聳龍樓。榆柳清長晝。槐松颯早秋。威容隆古昔。神武鎮中州。

張憲

寄中山隱講師

問訊山中隱。中山第幾重。風廊巡夜虎。雲鉢聽經龍。流水千溪月。寒巖一樹松。無因淨渣滓。來共上堂鐘。

倪瓚

荒邨

踽踽荒邨客。悠悠遠道情。竹梧秋雨碧。荷芰晚波明。穴鼠能人拱。池鵝類鶴鳴。蕭條阮遙集。幾屐了餘生。

垂虹亭

虛閣春城外。澄湖暮雨邊。飛雲忽入戶。去鳥欲窮天。林屋青西映。吳松碧左連。登臨感時物。快吸酒如川。

題畫贈王仲和

曾住南湖宅于今已十年。叢筠還自翳。喬木故依然。雨雜鳴渠溜。雲連煮虎煙。何時重相過。爛醉得佳眠。南湖陸玄素高士幽居。今王君仲和居之。水木清華。戶庭幽邃。余嘗寓其家四年。翛然忘世慮也。仲和以此幀索畫竹石。畫已。并詩其上。以寫惓惓之懷。玄素仲和外舅也。故尤感余故人之思。乙巳初月十七日。

桂花

桂花留晚色。簾影澹秋光。靡靡風還落。菲菲夜未央。玉繩低缺月。金鴨罷焚香。忽起故園想。泠然歸夢長。

郭 鈺

秋望

長嘯動巖壑。秋風生滿林。片雲隨鴈度。疎雨約蟬吟。燕馬關山遠。吳船歲月深。歸來蘇季子。何用苦多金。

憶從弟鐸

憶昨王師捷。還鄉近五年。艱危惟我共。俯仰得誰憐。茅屋秋風裏。烽煙夕照邊。亂離今轉甚。思爾只高眠。

葉顥

日暮江邨雜興

釣艇已收緒。無人深閉門。雲生砂石上。月出水南邨。寂寥寒潮遠。微茫煙浪昏。孤舟中夜笛。感慨動吟魂。

丁鶴年

武昌南湖度夏

南浦幽棲地。當門罨畫開。青山入雲去。白雨渡湖來。石潤生龍氣。川光媚蚌胎。芙蓉三百頃。何處著炎埃。

白珽

餘杭四月

四月餘杭道。一晴生意繁。朱櫻青豆酒。綠草白鵝邨。水滿船頭滑。風輕袖影翻。幾家蠶事動。寂寂畫門關。

龔璗

郡樓

久客有遠思。肩輿登郡樓。聊爲避暑飲。更學御風游。疊翠城南面。雙虹水北流。流將五湖去。葉葉采蘋舟。

吾邱衍

次韻謝錢翼之

筆翰西臺妙。文章五鳳樓。美才須比玉。直道豈如鉤。吳苑辭春色。江風散旅愁。吾廬正蕭颯。二仲得羊求。

楊 兑

得邳大用書復寄

百年真夢寐。萬國久風塵。老去偏相憶。書來恨不頻。季鷹猶在洛。王粲未歸秦。谷口知何似。他年願卜鄰。

何 中

南居寺

閉戶未從容。出門誰適從。聊隨碧溪轉。忽與白鷗逢。小雨十數點。澹煙三四峰。峯峯看不足。山寺已鳴鐘。

饒州道上

新晴破積陰。淑氣泛行襟。千里山河眼。百年耆舊心。霞飛滄海遠。煙入綠邨深。學劍江東者。茫茫不可尋。

陳家源

翠霧斷崖側。丹霞流水西。竹從幽處密。松自古來欹。落葉半藏路。清風時滿溪。仙家元不遠。未許衆人知。

立秋夕作

但覺焦原苦。何當沛澤流。夕風微報響。古木暗藏秋。未事冥難側。閒心遠作愁。亂山高下碧。煙靄澹浮浮。

辛亥元夕二日

頑坐故貪默。忽行時。自言寒沙梅影路。微雪酒香郵。時序鬢髮改。人家童稚喧。街頭試燈候。不到郭西門。

傅若金

衡湘門

烽火連諸郡。旌旗轉百蠻。野鶩先客至。江鴈及春還。吳楚青天迥。瀟湘白日閑。登臨慰懷抱。況復近鄉關。

金陵晚眺

金陵古形勝。晚望思迢遙。白日餘孤塔。青山見六朝。燕迷花底巷。鴉散柳陰橋。城下秦淮水。年年自落潮。

送雲間師游漬

杖錫違蕭水。風帆向武林。海紅秋樹遠。江黑暮鐘深。雲起通香氣。潮來合梵音。亦知無住著。隨處得安心。

雅 琥

送趙宗吉編修代祀西嶽

北上函香去。西南致禮勤。蜀山千丈雪。秦嶺萬重雲。驛騎鳴金勒。宮袍粲錦文。白頭抱闕吏。自羨識終軍。

成廷珪

登望江亭

長江不可極。岸幘獨登臨。潮信自朝暮。山光無古今。碑亭流水涸。輦路積苔深。欲寫興亡恨。西風萬葉吟。

龐山湖泛舟過寧伯讓莊所

湖上足清晝。雨餘生綠陰。扁舟到城近。曲港入邨深。野叟頻相問。郎君不可尋。西菴肯分席。吾亦老山林。

夜過吳江聖壽寺宿復中行方丈

深夜扣禪扃。天寒月在庭。鳥棲驚後樹。僧掩讀殘經。蔓草風吹白。枇杷雪洗青。對牀聽法語。心孔愈惺惺。

劉詵

對客暮坐

危坐高齋夕。東來喜友生。庭空疎雨後。四壁亂蛩鳴。燭至瓶花落。秋涼架藥輕。西頭動刀尺。澹月上檐楹。

薛漢

湖上

一舸泛霜晴。湖波寒更清。平堤連野色。遠市合春聲。塵土浪終日。山林負半生。回頭夕陽外。煙渚白鷗輕。

吳景奎

過臨平

舟過臨平後。青山一點無。大江吞兩浙。平野入三吳。逆旅愁聞鴈。行庖只鮰鱸。風帆如借便。明日到姑蘇。

曹文晦

九月一日清溪道中

老樹依沙岸。柴門上下鄰。斷橋歸郭路。細雨過溪人。白鷺雙飛去。黃花數點新。惜無遺世友。聯句坐苔茵。

鄭韶

送僧歸嚴陵

春船上瀨急歸路石濺濺白石百花靜清江初月圓偶逢林下叟爲話竹間禪明發遙相憶青山生暮煙題宋氏綠野莊

暮泊蘭陵郡朝過綠野莊飛花渡江闊垂柳蔭門長掃地春陰合梳頭荷氣涼幾時重著屐來此話滄浪

劉永之

和楊伯謙韻

酌酒長松下垂蘿拂酒杯異禽窺藥鼎乳鹿臥書臺澗水穿林去山雲帶雨回相期同結屋不厭野人來

金涓

雲門道中

三月山南路村村叫杜鵑白雲千嶂曉斜月一溪煙水冷長松井春香小薺田何時移別業來到繡湖邊

麻革

渡洛

泉石經行久林邱弭望間溪鳴風蕩水谷暗雨含山淡淡輕鷗沒飛飛倦鳥還世緣良自苦空羨野雲閑

盧摯

青華觀西軒

琳宇夏天曉官曹今日閑深松歎無路疎竹不遮山靜對黃冠語時看白鳥還平生林壑趣聊復此窗間

陳德永

暮春

山館青春老。溪屏白露斜。  
微風起新絮。小雨落餘花。  
蜜滿蜂登課。泥香燕作家。  
物情猶好在。人事益紛拏。

潘純

題豫章楊季子水北山房

舊聞楊季子。水北有山房。  
竹色長年綠。松陰五月涼。  
雨絲深釣渚。風帙散書牀。  
亦欲相從去。江波不可航。

許恕

田舍寫懷

開荒臨水驛。草蔓一何深。  
細雨滋牛力。新晴慰客心。  
稍看田野闢。不畏虎狼侵。  
麥飯香連屋。歸耕傍綠陰。

瞿智

送于彥成歸越次鄰九成韻

匡山于外史。上越有歸舟。  
久負江湖約。寧知歲月流。  
瓊書天上鶴。綠水鏡中鷗。  
一曲真幽絕。當追賀監遊。

卷五

七言律

元好問

橫波亭爲青口帥賦

孤亭突兀插飛流。氣壓元龍百尺樓。萬里風濤接瀛海。千年豪傑壯山邱。疎星淡月魚龍夜。老木清霜鴻鴈秋。倚劍長歌一杯酒。浮雲西北是神州。

穎亭

穎上風煙天地迴。穎亭孤賞亦悠哉。春風碧水雙鷗靜。落日青山萬馬來。勝概銷沉幾今昔。中年登覽足悲哀。遠遊擬續騷人賦。所惜忽忽無酒杯。

被檄夜赴鄧州幕府

幕府文書鳥羽輕。敵裘羸馬月三更。未能免俗私自笑。豈不懷歸官有程。十里陂塘春鴨鬧。一川桑柘晚煙平。此生只合田間老。誰遣春官識姓名。

出都

漢宮曾動伯鸞歌。事去英雄可奈何。但見觚稜上金爵。豈知荆棘臥銅駝。神仙不到秋風客。富貴空悲春夢婆。行過蘆溝重回首。鳳城平日五雲多。

寄劉繼先

清霜茅屋耿無眠。坐憶分攜一慨然。楚客登臨動歸興。謝公哀樂感中年。淒涼古驛人煙外。迤邐荒山雪意邊。千樹春風水楊柳。待君同繫晉溪船。

送樊順之

弓刀十驛岳蓮州。渭水秦山得意秋。王粲從軍正年少。庾郎入幕更風流。寒鄉況味真雞肋。清銳功名屬虎頭。寄謝溪風亭上月。老夫乘興欲西遊。

劉因

高亭

高亭雲錦繞清流。便是吾家太一舟。山影酒搖千疊翠。雨聲窗納一天秋。襟懷灑落景長勝。雪影空明天共遊。笑向白鷗問塵世。幾人曾信有滄洲。

夏日飲山亭

借住郊園舊有緣。綠陰清晝靜中便。空釣意釣魚亦樂。高枕臥遊山自前。露引松香來酒盞。雨催花氣潤吟牋。人來每問農桑事。考證牀頭種樹篇。

牟巘

和劉朔齋海棠

人物當今第一流。以花爲屋玉爲舟。曉妝未許褰幙看。夜醉何妨秉燭遊。錦里宣華思舊夢。黃州定慧起新愁。何如歸伴徐公飲。穩結一巢花上頭。

戴表元

陪阮使君遊玉几

花滿車茵酒滿船。亂雲堆裏訪枯禪。林深何處無芳草。人靜有時聞杜鵑。神屋晝飛青磯磚。靈潭陰罩赤

蜿蜒居然悟得松風夢回首廬山二十年

十月朔旦寄貴白兄弟

黃牛邨前秋葉飛青螺峰外海雲歸故人相思雪滿鬢客子獨行風舉衣烏鵲定占誰屋喜鱸魚知比去年肥當時歌酒江湖上百里音書今亦稀

方夔

田家雜興二首

樵路通邨暗蒺藜數椽茅蘄護疎籬陰陰清樾風生樹拍拍蒼鵝水滿陂記日旋鉏燒地粟上時新賣落車絲晚晴慚媿逢端午醉臥黃昏自不知

兩兩蒼鬚笑杖藜蒨裙兒女隔笆籬斜陽鴉噪燒錢社細雨牛眠放牧陂酒熟十千沽玉瀣麪香三丈卷銀絲客來偶及興亡事說與衰翁也自知

晚眺

依稀風景小差邨不欠東屯稻菽園阿魏擣香風送響雕胡擘玉水開痕招邀紫翠山當座標撥紅黃菊上盆世上去來俱是客隨風吹送夢歸魂

熊鉢

越州道中

野田秋溜正潺潺新翠喬林繞舍環淡日凝煙橫別浦斜風吹雨過前山柴扉初放牛羊出漁艇方攜蟹

蛤還自笑平生愛遊覽天教長在水雲間

陳深

次韻子封承之遊桃花塢

閨門行樂送韶華。閑訪城陰野老家。  
黃蝶得晴飛菜葉。翠禽隔浦啄桃花。  
衡門倒屣臨官路。古渡橫舟閣淺沙。  
亦有詩人時一到。醉吟行盡夕陽斜。

袁易

與師言客錢塘凡三月餘師言歸後作詩奉寄

燈花猶記別時紅。爲報君歸我亦東。  
豈意黃塵迷瘦馬。尙淹青眼送飛鴻。  
羣山積雪清相射。千樹寒梅望欲空。  
何遜揚州才思減。試煩妙語喚春風。

春雨漫興

日日春陰祇欲眠。強尋南陌復東阡。  
猶憐碧樹花多少。莫惜金尊酒十千。  
象管烏絲題往事。玉簫錦瑟負華年。  
愁來祇對西山坐。捲起疎簾翠接天。

江上平蕪望欲迷。江邊密雨細如絲。  
冥冥白晝飛花急。漠漠青林度鳥遲。  
春事又當三月暮。人生那得百年期。  
誰能苦惜纏頭錦。喚起嬌燒舞柘枝。

郝經

老馬

百戰歸來力不任。消磨神駿老駸駸。垂頭自惜千金骨。伏櫪仍存萬里心。歲月淹延官路杳。風塵荏苒塞垣深。短歌聲斷銀壺缺。常記當年烈士吟。

落花

彩雲紅雨暗長門。翡翠枝餘萼綠痕。桃李春風蝴蝶夢。闢山明月杜鵑魂。玉闌煙冷空千樹。金谷香消護一尊。狼籍滿庭君莫掃。且留春色到黃昏。

王惲

過沙溝店

高柳長途送客吟。暗驚時序變鳴禽。清風破暑連三日。好雨依時抵萬金。遠嶺抱枝圍野色。行雲隨馬弄輕陰。搖鞭喜入肥城界。桑柘陰濃麥浪深。

程鉅大

寄鄭信卿參政

闕下相看未忍分。過門誰料不逢君。竟參華省江南去。定有新聲天上聞。夜靜每勞瞻紫氣。春深幾欲和停雲。豫章臺下南歸路。何日論心到夕曛。

吳澄

題閣皂山

漢吳仙跡兩峰齊。欲拾瑤華路恐迷。寶殿青紅疑地湧。林巒蒼翠接天低。九重香案分雲篆。八景琅函記

玉題仙鶴翔空清似水步虛聲在朶雲西。

元淮

立春日賞紅梅之作

昨夜東風轉斗杓。陌頭楊柳雪纔消。曉來一樹如繁杏。開向孤郵隔小橋。應是化工嫌粉瘦。故將顏色助花嬌。青枝綠葉何須辨。萬卉叢中奪錦標。

趙孟頫

和姚子敬秋懷

搔首風塵雙短鬢。側身天地一儒冠。中原人物思王猛。江左功名愧謝安。苜蓿秋高戎馬健。江湖日短白鷗寒。金尊綠酒無錢共。安得愁中卻暫歡。

聞擣衣

露下碧梧秋滿天。砧聲不斷思絲絲。北來風俗猶存古。南渡衣冠不及前。苜蓿總肥宛蠻裏。琵琶曾泣漢嬪娟。人間俯仰成今古。何待他時始惘然。

岳鄂王墓

鄂王墓上草離離。秋日荒涼石獸危。南渡君臣輕社稷。中原父老望旌旗。英雄已死嗟何及。天下中分遂不支。莫向西湖歌此曲。水光山色不勝悲。

溪上

溪上東風吹柳花。溪頭春水淨無沙。白鷗自信無機事。玄鳥猶知有歲華。錦纜牙檣非昨夢。鳳笙龍管是誰家。令人苦憶東陵子。擬問田園學種瓜。

次韻信仲晚興

蕭蕭殘照晚。當樓寒葉疎。雲亂客愁歲。月蹉跎。星北指。乾坤浩蕩水東流。古來人物皆黃土。少日心情在一邱。獨立無言風滿袖。青山相對共悠悠。

次韻王時觀

相思吳越動經年。一見情深重惘然。草木變衰人易老。江湖牢落鴈難前。泰山半出青天上。禹穴遙臨古道邊。欲說舊遊渾似夢。何時重上剡溪船。

錢唐懷古

東南都會帝王州。三月鶯花非舊遊。故國金人泣辭漢。當年玉馬去朝周。湖山靡靡今猶在。江水悠悠只自流。千古興亡盡如此。春風麥秀使人愁。

紀舊遊

二月江南鶯亂飛。百花滿樹柳依依。落紅無數迷歌扇。嫩綠多情妬舞衣。金鵝焚香川上暝。畫船撾鼓月中歸。如今寂寞東風裏。把酒無言對夕暉。

見章得一詩因次其韻

水色清漣日色黃。梨花淡白柳花香。卽看時節催人事。更覺春愁惱客腸。無酒難供陶令飲。從人皆笑酈

生狂城南風暖游人少自在晴絲百尺長。

次韻端文和鮮于伯幾所寄詩

畫舸西湖到處遊別來飛夢到杭州百年底用憂千歲一日相思似幾秋苦憶東南多勝事空吟西北有高樓只今賴有劉公幹時寫新詩解客愁

袁桷

張虛靖園菴扁曰歸鶴次韻

招仙遊館構亭亭萬疊松寒曉日青玉局講殘春換劫石臺丹在草通靈紅羊赤馬悲滄海白虎蒼龍儼大庭爲愛子喬笙鶴美月涼時許夜深聽

寄史允叟

故國王孫佩碧蘭春雲涼月倚朱闌玉簫曲趁鶯聲轉金鼎香隨蝶夢殘碧沚波清堪把釣黃塵風急倦彈冠外家文采惟君在笑我冰鬢跨曉鞍

馬祖常

奉和奧屯都事秋懷

靈河七夕巧雲稠墜露聲清夜得秋月冷桂花飄左界山寒荔子落東甌人憐紈縞裁衣袂誰信蒲葵翦扇頭竹影近窗砧杵急夢隨南客問行舟

追和許渾遊溪夜回韻

溪水連雲過竹間。溪聲雲影半潺潺。鶴來近屋童看熟。鷺下長松客對閑。每待月痕侵石鷗。還期煙色認柴關。人生豈獨官爲貴。好向君王乞越山。

龍虎臺應制

龍虎臺高秋意多。翠華來日似鸞坡。天將山海爲城塹。人倚雲霞作綺羅。周穆故慚黃竹賦。漢高空奏大風歌。西京巡省非行幸。要使蒼生樂至和。

張養浩

黃州道中

濯足常思萬里流。幾年塵迹意悠悠。閑雲一片不成雨。黃葉滿城都是秋。落日斷鴻天外路。西風長笛水邊樓。夢迴已悟人間世。猶向邯鄲話舊遊。

虞集

舟次湖口

江沙如雪水無聲。舟倚蒹葭鴈不驚。霜氣隔篷纔數尺。斗杓插地已三更。拋書枕畔憐兒子。看劍燈前慨友生。尚有乘桴無限意。催人搖櫓轉江城。

送袁伯長扈從上京

日色蒼涼映紫袍。時巡毋乃聖躬勞。天連閣道晨留輦。星散周廬夜屬橐。白馬錦驥來窈窕。紫駝銀鬢出蒲萄。從官車騎多如雨。祇有揚雄賦最高。

城東觀杏花

明日城東看杏花。丁寧兒子早將車。路從丹鳳樓前過。酒向金魚館裏賒。綠水滿溝生杜若。暖雲將雨少塵沙。絕勝羊傅襄陽道。歸騎西風擁鼓笳。

楊載

宗陽宮望月分韻得聲字

老君臺上涼如水。坐看冰輪轉。二更天。大地山河微有影。九天風露寂無聲。蛟龍並起承金榜。鸞鳳雙飛載玉笙。不信弱流三萬里。此身今夕到蓬瀛。

題沈君湖山春曉圖詩卷

池遇沙隄接畫橋。東風楊柳暗長條。鶯隨玉笛聲偏巧。馬受金羈氣益驕。舞榭歌臺臨道路。佛宮仙館入雲霄。西湖春色年年好。底事詩翁嘆寂寥。

贈孫思順

天涯相遇兩相知。對榻清談玉屑霏。芳草護隨愁共長。青春不與客同歸。薰風池館蛙聲老。落日簾櫳燕子飛。南浦他年重到日。湖山應識謝玄暉。

范榦

題黃隱居秋江釣月圖

舊識先生隱者流。偶因圖畫想滄洲。斷雲滿路碧窗晚。明月何年青嶂秋。世故風塵雙短屐。生涯天地一

扁舟何由白石空磯畔招得人間萬戶侯

揭傒斯

夢武昌

黃鶴樓前鸚鵡洲夢中渾似昔時遊蒼山斜入三湘路落日平鋪七澤流鼓角沈雄遙動地帆檣高下亂維舟故人雖在多分散獨向南池看白鷗

送詹尊師歸廬山

香爐峯色紫生煙一入京華路杳然雲碓秋閑春藥水雨犁春臥種芝田書憑海鶴來時寄劍自潭蛟去後懸忽報歸期驚倦客獨淹微祿負中年

黃潛

開元宮

誰使藏舟一夕移紅樓翠幙未全非曾聞帝子乘鸞去疑有仙人化鶴歸煙逕月明瑤草歇石壇露冷碧桃稀赤欄橋畔多時立閑看楊花作雪飛

獨立

數盡飛花一愴然壯心迢遞夕陽邊十年人事空流水二月風光已杜鵑過眼青春寧復得汚人黃土絕堪憐故園尙有平生約可使蒼苔到石田

卽事

南陌東阡草色齊。愔愔門巷客來稀。受風燕子輕相逐。著雨楊花溼更飛。綠樹無言春又盡。紅塵如露手頻揮。浮生莽莽吾何計。獨立看雲竟落暉。

夏日漫書

枕上初殘柏子香。鳥聲簾外已斜陽。碧山過雨晴逾好。綠樹無風晚自涼。芳歲背人成荏苒。好詩和夢落蒼茫。羊求何不來三徑。門掩殘書滿石牀。

龍潭山

二月清江照眼明。避風舟楫滿迴汀。斷雲挾雨時時黑。密葉藏花樹樹青。習隱未成陶令賦。行歌聊共屈原醒。碧潭光景無消息。坐看魚兒點翠萍。

柳貫

次韻魯參政觀潮

怒潮卷雪過樟亭。人立西風酒旆青。日穀行天淪左界。地機激水出東溟。倒排山嶽窮千變。闔闢雲雷竦百靈。望海樓頭追勝賞。坐中賓客弁如星。

次伯長待制韻送王繼學修撰馬伯庸應奉扈從上京

山圍黑谷翠漫漫。獨許詞臣息馬看。蹕道雲開朝采正。躡林風定雪花乾。賦成特賜麒麟罽。宴出初擎碼碯盤。歲歲八州人望幸。鈞陳旗尾認朱竿。

次韻伯庸待制上京寓直書事因以爲寄

舉頭涼影動明河。問訊仙人八月槎。斗下孤光懸太白。雲間長御挾纖阿。霓裳催按新聲遍。鳳詔需承曲。宴多一代詞華歸篆刻。龍文還欲映珊瑚。

松翠新裁似鶴翎。手中雲影落深青。宮花忽動紅千帳。禁柳齊分綠半櫺。金掌擎秋調玉屑。銅渾窺夜約銀釘。不知太史朝來奏。東壁光聯第幾星。

烏桓落日稍沉西南極。青山女堞低馬谷。夏泉經雨漲。龍堆秋草拂雲齊。一函祠檢將升玉。萬里丸封不用泥。僂直夜涼談往事。乘車猶欲避雞栖。

送張明德使君赴南恩州

幾許炎州畫裏山西風。驅向馬前看。詩人舊志三刀喜。邊候新乘一障安。時取榔漿斟玉液。饒將桂蠹薦雕盤。雪花定比常年大。燕寢香凝夜氣寒。

薩都刺

贈劉雲江宗師

羽人推轉阿香車。童子穿松拾翠華。天上賜衣霑雨露。山中詩錦織雲霞。瑤臺紫氣秋橫劍。石室丹光夜走砂。擬借茅君三白鶴。乘風騎到玉皇家。

三衢馬太守昂夫索題爛柯山石橋

洞口龍眠紫氣多。登臨聊和采芝歌。爛柯仙子何年去。鞭石仙人此地過。烏鵲橫空秋有影。銀河垂地水無波。遙知題柱凌雲客。天近應聞織女梭。

臺山懷古

越王故國四圍山。雲氣猶屯虎豹關。銅獸暗隨秋露泣。海鴉多背夕陽還。一時人物風塵外。千古英雄草莽間。日暮鷗鵝號更急。荒臺叢竹雨斑斑。

過廣陵驛

秋風江上芙蓉老。階下數株黃菊鮮。落葉正飛揚子渡。行人又上廣陵船。寒砧萬戶月如水。老鴈一聲霜滿天。自笑棲遲淮海客。十年心事一燈前。

次韻登凌歛臺

山勢如龍去復迴。閑雲野望護重臺。離宮夜有月高下。輦路日無人往來。春色不隨亡國盡。野花只作舊時開。斷碑衰草荒煙裏。風雨年年上綠苔。

宋无

次友人春別

波流雲散碧天空。魚鴈沉沉信不通。楊柳昏黃晚西月。梨花明白夜東風。秋千庭院人初下。春半園林酒正中。背倚闌干思往事。畫樓魂夢可曾同。

陳旅

和維揚友人

揚子江頭水拍天。人家種柳住江邊。吳娃盪槳潮生浦。楚客吹簫月滿船。錦纜憶曾遊此地。瓊花開不似。

當年竹西池館多紅藥。日夜題詩舞袖前。

送宜黃劉縣尹

寶劍妝成卽遠遊。郎心何似妾心憂。茜裙香濕芙蓉雨。翠袖涼生薜荔秋。江北長愁寧滯酒。周南多病莫登樓。海門潮落江瑤美。能把千金買越舟。

張翥

聽松軒爲丹邱杜高士作

長松千樹擁前榮。虛籟還從樹底鳴。一片海濤雲杪墮。幾番山雨月中生。茶香夜煮苓泉活。琴思秋翻鶴帳清。安得南華老仙伯。相隨軒上說風聲。

憶吳興

憶汎苕華溪上船。故人爲我重留連。半山壇寺藏雲樹。繞郭樓臺住水天。白榜載歌明月裏。青帘沽酒畫橋邊。計籌山下先望在。欲往澆松定幾年。

憶維揚

蜀江東畔竹西樓。十五年前爛漫遊。豈意繁華今劫火。空懷歌吹古揚州。親朋未報何人在。戰伐寧知幾日休。惟有滿襟狼籍淚。何時歸灑大江流。

秦淮晚眺

赤欄橋下暮潮空。遠火疎春曉靄中。星月半天分落照。斷雲千里附歸風。嚴城鼓角秋聲早。故國山川王

氣終莫訝時來一長望。越吟荆賦思無窮。

郡城晚望覽臨武臺故基

全晉山川氣象開。滿城煙樹擁樓臺。土風舊有堯時俗。人物今無楚國材。千嶂晚雲原上合。兩河秋色鴈  
邊來。昔時勝賞空陳迹。落日登臨畫角哀。

貢師泰

送壽宏毅應奉赴興國路經歷

院門深鎖落松花。東接蓬萊小海斜。絳蠟夜深催視草。紫泥春蚤聽宣麻。鳳凰池上人辭直。鴻鴈江南客  
過家幕。府秋來清似水。吟詩應對白鷗沙。

送東流葉縣尹

江流東下縣南遷。一簇人煙野岸邊。荻筍洲青鷗鳥狎。楊花浪白鱠魚鮮。印來聚吏排衙鼓。社到隨民出  
俸錢。應是繡衣行部處。攔街齊頌長官賢。

朱仲文編修還江西諸公分題賦詩爲餞予適同載南歸約至揚子橋分別因爲賦此

瓜洲渡口山如浪。揚子橋頭水似雲。夾岸芙蓉紅旖旎。滿汀楊柳綠紛紜。一杯酒向今朝別。萬里船從此  
地分。他日重來須艤櫂。莫教驚散白鷗羣。

贈天台李鍊師

翠蛟青鳳下晴空。家住天台第幾重。歲久松肪成琥珀。夜深丹氣出芙蓉。仙童奏簡騎文虎。太乙懸旗起

絳龍昨夜從師到天上故山還著白雲封。

迺 賢

次段吉甫助教春日懷江南韻

花底開尊待月圓。羅衫半浥酒痕鮮。一年湖上春如夢。二月江南水似天。修禊每懷王逸少。聽歌卻憶李  
龜年。卜鄰擬住吳山下。楊柳橋邊檣畫船。

謝宗可

睡燕

補巢銜罷落花泥。困頓東風倦翼低。金屋晝長隨蝶化。雕梁春盡怕鶯曉。魂飛漢殿人應老。夢入烏衣路。  
轉迷卻怪卷簾人喚醒。小橋深巷夕陽西。

吳師道

城外見杏花

曲江二十年前會回首芳菲似夢中。老去京華度寒食。閑來野水看東風。樹頭絳雪飛還白。花外青天映  
更紅。聞說琳宮更佳絕。明朝攜酒訪城東。

周 權

秋 日

石脈泉花蘸眼明。竹根沙路舊經行。雲歸天際山容澹。日落江頭鴈影橫。梧葉庭除秋漸老。豆花籬落晚。

初晴客行迢遞歸心遠煙火蒼茫起暮程。

晚春

輕車繁吹尙紛紅衰衰香浮紫陌塵杜宇青山三月暮桃花流水一溪雲東風旗旆亭中酒小雨闌干柳外人何許數聲牛背笛天涯芳草正斜曛。

袁士元

和嵊縣梁公輔夏夜泛東湖

短棹乘風湖上遊湖光一鑑湛於秋小橋夜靜人橫笛古渡月明僧喚舟鴛浦藕花初過雨漁家燈影半臨流酒闌興盡歸來後依舊青山繞客樓。

黃鎮成

舟過石門梁安峽

書畫船頭載酒迴滄洲斜日隔風埃一雙白鳥背人去無數青山似馬來天際雨帆梁峽出水心雲寺石門開同遊有客如高李授簡惟慚賦峴臺。

鄭元祐

和薩天錫留別張貞居寄倪元鎮

梁溪歲暮若爲情溪上梅花待曉晴逕雪冷埋山屐齒簷冰夜墮石牀聲內篇攜向松根讀如意持將竹裏行短晷何能理幽事南窗翦燭話寒更。

周伯琦

七月七日同宋顯夫學士暨經筵僚屬遊上京西山紀事二首

聯岡疊阜衛神都。萬幕平沙八陣圖。朝市星垣周社稷。宗藩盤石漢規摹。官隄亘野豐青草。禁籞深林暗碧榆。地闢天開到今日。九重垂拱制寰區。

盤盤絕頂撫崕崿。目盡天涯一掌平。海氣騰空搖鐵刹。山空卷霧淨金城。羈鷹秋健諸酋帳。苑馬宵肥七校營。相顧依然情未已。攜壺明日約同傾。

陳基

題玉山草堂

隱居家住玉山阿。新製茅堂接薜蘿。翡翠飛來春雨歇。麝香眠處落花多。竹枝已聽巴人調。桂樹仍聞楚客歌。明日扁舟入青浦。不堪離思隔滄波。

張憲

留別賽景初

暖雲將雨驟。陰晴四月羅衣尙未成。萬點愁心飛絮影。五更殘夢賣花聲。方空越白承恩厚。繡襦諸于照道明。自笑窮途不歸去。空懷漫刺闔閭城。

楊維楨

錢塘懷古率堵無傲同賦

天山乳鳳飛來小。南渡衣冠又六朝。劫火自焚楊璉塔。箭鋒猶抵伍胥潮。燐光夜附山精出。龍氣秋隨海霧消。惟有宮人斜畔月。多情還自照吹簫。

寄衛叔剛

二月春光如酒濃。好懷每與故人同。杏花城郭青旗雨。燕子樓臺玉篴風。錦帳將軍烽火外。鳳池仙客碧雲中。憑誰解釋春風恨。只有江南盛小叢。

無題效商隱體四首與袁子英同賦

當軒隊子立紅靴。龜甲屏風擁絳紗。公子銀瓶分汙酒。佳人金勝翦春花。曲調青鳳歌聲轉。觥進黃鵝舞勢斜。五十男兒頭未白。臨流洗馬走紅紗。

主家院落近連昌。燕子歸來舊杏梁。金埒近收青海駿。錦籠初教雪衣娘。卷衣甲帳春容曉。吹笛西樓月色涼。今夜阿鴻新進劇。黃金小帶荔枝裝。

二月皇都花滿城。美人多病苦多情。一雙孔雀銜青綬。十二飛鴻上錦箏。酒掬珍珠傳玉掌。羹分甘露倒銀罍。不堪容易少年事。爭遣狂夫作後生。

天街如水夜初涼。照室銅盤璧月光。別院三千紅芍藥。洞房七十紫鸞鷺。繡靴踢躑句驪樣。羅帕垂鸞女直妝。願汝康強好眠食。百年歡樂未渠央。

七言律

張 昕

湖樓

樓前芳草碧盈盈。付與幽禽自在鳴。隄上馬馱紅粉過。湖中人載畫船行。日長燕子語偏好。風暖楊花體又輕。何限才情被花惱。獨教書記得狂名。

西山亭留題

馬頭曾爲使君回。北望新亭道路開。於越地形緣海盡。句吳山色過江來。英雄有恨餘湖水。天地忘懷入酒杯。珍重謝家林下客。玉山何待倩人推。

醉題

二月鶯聲最好聽。風光終日在湖亭。清宵酒壓楊花夢。細雨燈深孔雀屏。情在綢繆歌白苧。心同慷慨贈青萍。方平自得麻姑信。從此人間見客星。

送丁道士還豐陵

丁令還家骨已仙。更無城郭有山川。未添白髮三千丈。又見銅駝五百年。荒草茫茫連故國。孤雲冉冉下寥天。澧蘭歌送潺湲水。極望涔陽思惘然。

贈沈生還江州

鄉心正爾怯高樓。況復樓中賦遠遊。客裏登臨俱是感。人間送別不宜秋。風前落葉隨車滿。日下浮雲共

水流知汝琵琶亭畔去白頭司馬憶江州。

贈寓客還瓜州

把酒臨風聽櫂聲河邊官柳綠相迎幾潮路到瓜州渡隔岸山連鐵甕城月色夜留江叟邃花枝春覆寺樓簫贈行不用歌楊柳此日還家足太平

倪瓈

北里

舍北舍南來往少自無人覓野夫家鳩鳴桑上還催種人語煙中始焙茶池水雲籠芳草氣井牀露淨碧桐花練衣挂石生幽夢睡起行吟到日斜

寄熙本明

在山無事入城中每問歸樵得信通松室夜鐙禪影瘦石潭秋水道心空幽扉獨掩林間雨疎磬遙傳谷口風幾度行吟欲相覓亂流深澗隔西東

三月一日自松陵過華亭

竹西鶯語太丁寧斜日山光澹翠屏春與繁花俱欲謝愁如中酒不能醒鷗明野水孤帆影鵠沒長天遠樹青舟楫何堪久留滯更窮幽賞過華亭

別章鍊師

方舟共濟春江闊訪我寒煙菰葦中鼓柁斜衝蕢葉雨鉤簾半怯杏花風仙人壇上芝應碧玉女窗中桃

未紅擬趁輕帆數來往。縹壺不惜酒如空。

與伯雨登溪山勝概樓

樓下清溪夏亦寒。溪頭箇箇白鷗閑。風回綠捲平隄水。林缺青分隔岸山。若士振衣千仞表。何人泛宅五湖間。絕憐與子同清賞。擬向雲霄共往還。

東林隱所寄陸徵士

寢扉桃李晝陰陰。耕鑿居人有遠心。一夜池塘春草綠。孤邨風雨落花深。不嗔野老羣爭席。時有游魚出聽琴。白髮多情陸徵士。松間石上續幽吟。

郭 鈺

和楊茂才閑居

板橋通徑薜蘿深。濃翠浮衣竹十尋。曉鳥漸馴時近客。歸雲不動似知心。翦苔盤石移碁局。添火香篝續水沉。賦筆惟應潘岳好。恨無樽酒與同斟。

訪友人別墅

陰森萬木曉蒼茫。路轉山腰問草堂。池湧慢波萍葉散。窗涵細雨橘花香。讀書程度輸年少。中酒心情厭日長。公子飄飄才思闊。何妨高詠伴滄浪。

和酬宋竹坡韻

寄詩問我山中事。性懶家貧一事無。春瓮酒香梅未落。午窗夢起鳥相呼。舊來叔夜交游絕。老去文通筆

硯枯鷗社共盟君未棄何須馳志向伊吾。

王逢

錢塘春感六首

紫罽輶車從六龍盡隨仙曲度青空蒼山樓闕旃林裏赤羽旌麾野廟中百姓未忘周大賚成都元有漢遺風流鶯不管傷春恨衝落桃花滿樹紅

王氣凌虛散曉霞虎闖麟閣靜煙花中天日月迂黃道滄海風雲冷翠華望帝神遊夔子國烏衣夢隔野人家當時舉目山河異豈但紅顏泣塞笳

周南風俗漢衣冠五色雲中憶駐鑾瓔珞檜高藏白獸蕊珠花發降文鸞河通織女機絲溼雨歇巫娥翠黛寒滿地吳山誰灑淚一江春水獨凭闌

日華初動衰衣明劍佩千官隱繡楹五色黼函開玉座九重湯藥下銀罌書題鳳尾仙曹喜恩浹螭坳學士榮文化有餘戎事略銅駝草露不勝情

瑤池青鳥集瓠稜白塔金鳧閟夜燈雲母帳虛星彩動水晶宮冷露華凝驪山草暗爐周業郿塢花繁失漢陵白馬素車江海上依然潮汐撼西興

金爵觚稜月向低泠泠清磬萬松西五門曙色開龍尾十日春寒健馬蹄紅霧不收花氣合綠波初漲柳條齊遺民暗憶名都會尙繞湖濱唱大堤

送薛鶴齊真人代祀天妃還京

蓬萊宮裏上卿班。代祀天妃隔歲還。日繞五文皆御氣。海浮一髮是成山。風霆夜護龍鸞節。雲霧朝披玉雪顏。聖渥旣隆玄化盛。轉輸應盡入秦關。

葉顥

題幽居

隔溪春色兩三花。近水樓臺四五家。濁酒不妨留客醉。好山常是被雲遮。松根淨掃彈琴石。柳下常維釣月槎。路狹不容車馬到。只騎黃犢訪煙霞。

錢惟善

述懷寄光遠并簡城南諸友

野人無事久忘機。肯信紛華有是非。花信欲闌鶯百囀。麥芒初長雉雙飛。書中歲月仍爲客。枕上江山屢夢歸時復思君。倚深樹不知殘雨溼春衣。

段克己

寄仲堅漢臣二子

經春日日臥空廬。門巷蕭條長者車。一卷時看王湛易。數行懶寄子公書。風光少得如人意。顏面從教與世疎。聞健不來花下醉。明年花發定何如。

段成己

中秋之夕封生仲堅衛生行之攜酒與詩見過依韻以答

夜涼河漢靜無聲。澄澈天開萬里晴。蟾吐寒光呈皎潔。桂排疎影甚分明。良宵方喜故人共。醉語那知鄰舍驚。一片詩魂招不得。九霄直與月俱清。

仇遠

次胡葦杭韻

曾識清明上已時。嬾能遊治步芳菲。梨花半落雨初過。杜宇不鳴春自歸。雙塚年深人祭少。孤山日晚客來稀。江南尙有餘寒在。莫倚東風褪絮衣。

懷古

吹殺青燈炯不眠。滿襟懷古恨縣縣。江東曾識桓司馬。滄海難追魯仲連。吳岫月明吟木客。漢宮露冷泣銅仙。何時一酌桃源酒。醉倒春風數百年。

和韻胡希聖湖上

連作湖山五日遊。沙鷗慣識木蘭舟。清明寒食荒城晚。燕子梨花細雨愁。賜火恩榮皆舊夢。禁煙風景似初愁。鳳絲龍竹繁華意。猶爲西林落日留。

宿集慶寺

半生三宿此招提。眼底交遊更有誰。顧愷漫留金粟影。杜陵忍賦玉華詩。旋烹紫筍猶含籜。自摘青茶未展旗。聽徹洞簫清不寐。月明正照古松枝。

題溧陽市

萬家大縣舊留都。一派中江入太湖。縮項魚肥人膾玉。長腰米貴客量珠。府分南北寒蕪合。橋直東西夜市無。卻是旗亭浮蟻美。杖頭能費幾青蚨。

白 班

遊天竺寺

山轉龍泓一徑深。嵐煙吹潤撲衣巾。松蘿掩映似無路。猿鳥往來如有人。講石尙存天寶字。御梅嘗識建炎春。城中遮日空西望。自與長安隔兩塵。

楊 果

洛陽懷古

洛陽雲樹鬱崔嵬。落日行人首重回。山勢忽從平野斷。河聲偏傍故宮哀。五噫擬逐梁鴻去。六印休驚季子來。惆悵青槐舊時路。年年無數野棠開。

陳 孚

真定懷古

千里桑麻綠蔭城。萬家燈火筦絃清。恆山北走見雲氣。滹水西來聞鴈聲。主父故宮秋草合。尉佗荒塚暮煙平。開元寺下青苔石。猶有當時舊姓名。

永州

燒痕慘澹帶昏鴉。數盡寒梅未見花。回鴈峯南三百里。捕蛇說裏數千家。澄江繞郭聞漁唱。怪石堆庭見

元 詩 別 裁

卷六 七言律

八十三

吏衙昔日愚溪何自苦。永州猶未是天涯。

開平卽事二首

百萬貔貅擁御閑。灤江如帶綠迴環。勢超大地山河上。人在中天日月間。金闕觚稜龍虎氣。玉階闌闢鶯鶗班。微臣亦有河汾策。願叩剛風上帝關。

天開地闢帝王州。河朔風雲拱上游。鵬影遠盤青海月。鴈聲斜送黑山秋。龍岡勢遶三千陌。月殿香飄十  
二樓。莫笑青衫窮太史。御爐曾見袞龍浮。

鄧文原

三月晦遊道場山宿清公房與成父同行二首

絕頂軒窗納晚晡。下方燈火聽鐘魚。天連震澤涵元氣。地涌浮圖切太虛。涼立松風觀石溜。晚尋樵徑扣僧廬。孤亭山麓荒苔積。猶想幽人夜讀書。

澗石縈紆紫氣叢。晴雲吹落水晶宮。夜寒身宿羣峯頂。花盡春歸萬木中。儻買山田營破屋。時過僧寺駕孤篷。只應渺渺軒前路。杖履長陪鶴髮翁。

李材

海子上卽事

馳道塵香逐玉珂。彤樓花暗弄雲和。光風已轉瀛洲草。細雨微添太液波。月榭管絃鳴曙早。水亭簾幕受寒多。少年勿動傷春感。喚取青蛾對酒歌。

何 中

新淦畈步作

松筠色潤翠成圍。鵝鴨聲多水漸肥。隔縣販人爭野路。迎年姹女試新衣。暖煙黃柳知春到。殘雪青山伴客歸。茅屋酒旗隨處有。悠悠世事儘相違。

于 石

半山亭

萬疊嵐光冷滴衣。清泉白石鎖煙扉。半山落日樵相語。一徑寒松僧獨歸。葉墮誤驚幽鳥去。林空不礙斷雲飛。層崖峭壁疑無路。忽有鐘聲出翠微。

清明次韻趙登

九十春光半晦明。東郊攜手趁新晴。飄零風絮如行客。冷暖廚煙見世情。宿雨鞦韆花有淚。斜陽古塚草無名。勸君且盡樽前興。柳上一聲何處鶯。

瀟江亭

背依古塔面層峯。曲曲闌干峻倚空。萬屋參差江色外。片帆出入樹陰中。五更鐘鼓半山月。兩岸漁樵一笛風。極目子陵臺下路。滔滔惟有水流東。

西湖鄉人杜伯高。昔與諸公飲於湖上。得風月一聯。予愛其語。因爲足成之。

西湖勝概甲東南。滿眼繁華今幾年。鐘鼓相聞南北寺。笙歌不斷往來船。山圍花柳春風地。水浸樓臺夜

月天士女只知遊賞樂誰能軫念及三邊

傅若金

沛公亭

遙山寂寂對危亭壞礎欹沙柳自青四海久非劉社稷千秋猶有漢精靈豐西水散煙沉浦陽北雲來雨入庭坐想酒酣思猛士歌風臺下晚冥冥

登樓

樓上西風吹畫屏樓前秋思滿都亭金河水去涓涓碧瓊島雲來冉冉青近見蕭何成第宅舊聞汲黯在朝廷明時進用多英傑迂腐深慚守一經

題張齊公祠

將軍結髮事先朝百戰山河血未銷總說霽雲能慷慨兼聞去病最嫖姚煙塵劍戟迷秋峒風雨旌旗落暮潮自古英雄須廟食精靈何待楚詞招

正月十七日麗正門觀迎接口號

南徼旌旗萬里迴中天城闕九重開龍門仗簇青雲起鶴禁香通紫氣來父老多流去日淚公卿不乏濟時材已聞奉璽歸金室早聽趨朝進玉杯

送唐子華嘉興照磨子華名棣吳興人善畫

聞君秋思滿南湖行李今晨發帝都幕府初乘從事馬江城還憶步兵鱸樹浮白日山侵越潮蹴青天海

入吳閑暇馮高動詩興須成一醉掃新圖。

上蔡

上蔡城頭黃葉多。聞雞看劍起長歌。徒憐丞相東門犬。猶憶將軍半夜鶴。樹底衣裳沾霧雨。馬前燈火動星河。涼風滿路吹行驛。那得金門聽玉珂。

興安縣

亂峯如劍不知名。篁竹蕭蕭送驛程。轉粟未休離水役。負戈猶發夜郎兵。百蠻日落朱旗暗。九嶺風來畫角清。空使腐儒多感慨。西南羣盜幾時平。

書南寧驛

歲晚驅馳憶帝京。北風回首重關情。中天日月迴金闕。南極星辰繞玉衡。父老尙煩司馬檄。蠻夷須用伏波兵。也知文德能柔遠。傳道新恩欲罷征。

洞庭連天樓

崔嵬古廟壓危沙。縹緲飛樓入斷霞。南極千峯迷楚越。西江衆水混渝巴。鮫人夜出風低草。龍女春還雨溼花。北倚闌干望京國。故人何處認星槎。

聞張吏部督海運歸詠懷奉簡

日邊雙節下滄溟。雲際千艘赴驛亭。直爲邦畿須轉粟。也因江海念流萍。玉京永夜瞻卿月。銀漢清秋識使星。待盡西風始相見。客愁如酒一時醒。

送張秀才北上時將赴海

身逐征帆赴海涯。道逢行李問京華。涓人解致燕王馬。卜史工占蜀客槎。冠蓋早朝星在樹。管絃春宴月當花。盛時繁麗應如昨。把酒聞鶯肯憶家。

岳陽中秋值安南貢使因懷舊遊

洞庭秋氣滿龍堆。爲客偏驚節序催。鐵笛乍聞雲外過。瓊樓應傍月中開。越裳重譯三年至。溟海浮槎八月來。忽憶舊遊今萬里。天涯長見鴈飛回。

題栖碧山爲淦龔舜咨賦

山人愛山如李白。幽棲還在碧雲深。松杉繞屋清宵響。雷雨懸崖白晝陰。石上每同仙客坐。花間猶恐世人尋。京華日日多塵土。終擬投簪話夙心。揭文安公云：予欲賦栖碧久矣，興無由起。一日臨江，傅與礪來，開卷同賦之。予詩未成，興礪已就，非不可更作，念無可以過與礪也。遂易結語而已。

宋本

大都雜詩

繡錯繁華徧九衢。上林詞賦漢西都。朱門細婢金條脫。紫禁材官玉鹿盧。萬里星辰關上界。四朝冠蓋翊皇圖。東鄰白面生紈綺。笑殺揚雄臥一區。

宋 裴

都城雜詠

流珠聲調弄琵琶。韋曲池臺似館娃。羅袖舞低楊柳月。玉笙吹綻牡丹花。龍頭瀉酒紅雲艷。象口吹香綠  
霧斜。卻笑西鄰蠹書客。牙籤紺帙費年華。

明照坊對雨

章臺車馬去如流。白雨飛煙拂畫樓。九陌平鋪明似練。兩溝急瀉碧於油。美人虹見西山霽。少女風來北  
里秋。涼意滿襟簾幕卷。宮鴉歸樹夕陽收。

春暮雙清亭小酌懷張孟幼

吏退公庭鴈鶩行。持杯暫對水雲鄉。山開罨畫涵晴影。花落煙肢漾晚香。酒幟隔津標柳陌。漁舟避浪向  
蒲塘。懷人不得同相賞。空賦停雲第二章。

予以延祐元年從先兄正獻公入汴始識彥輝吳徵君是歲故中丞馬公伯庸今翰林學士謝  
公敬德國子博士王君師魯鄉貢河南行省迄今二十五年予再以按行至汴居監察行院去  
徵君所居僅半里猶以公事未畢尙遲于請見時馬公亦薨謝王在館閣感念存歿賦唐律一  
首先遺持遺徵君正之至元四年戊寅

二十年前入汴州。梵王仙館涉春秋。家庭院森湖玉處處簾櫳映海榴。金馬石渠傷遠別。邱山華屋動  
新愁。誰憐閉著車中婦。猶望元龍百尺樓。

王士熙

送巨德新

渭城秋水汎紅蓮。白雪梁園作賦年。金馬朝回門似水。碧雞人去路如天。揚雄宅古平蕪雨。諸葛祠空老樹煙。小隊出遊春色裏。滿溪花朵正娟娟。

驪山宮圖

翠嶺含煙曉仗催。五家車騎入朝來。千峯雲散歌樓合。十月霜晴浴殿開。烽火高臺留草樹。荔支長路入塵埃。月中人去青山在。始信昆明有劫灰。

雅  
琥

留別凱烈彥卿學士

十年帝里共鳴珂。別後悲歡事幾多。汗竹有編歸太史。雨花無迹染維摩。湘江夜雨生青草。淮海秋風起白波。明日扁舟又南去。天涯相望意如何。

成廷珪

送謝芝甫赴山南憲

謝庭子弟多佳士。荊國山川總勝遊。萬里捧書催入幕。一朝撾鼓發行舟。玄猿啼處巴江夜。白鴈來時楚甸秋。襄漢風流千古意。爲君長憶仲宣樓。

夏日過萬蓬菴

愛汝東菴暑氣薄。解衣盤礴坐莓苔。一林綠竹盡可數。五月白蓮猶未開。捉麈談禪知獨往。買魚沽酒待重來。滄海日落山更好。且放輕舟緩緩迴。

送智惠隱住水月禪院

放船直到棲禪處。萬頃湖心一徑開。綠樹鳥驚風落果。碧潭龍去水生苔。西巖尊宿傳燈在。東海高僧杖錫來。今夜月明清似水。太空無地著纖埃。

黃清老

天運不已歲時又。春學已可乎作自勉詩呈李口初教授諸公

東風一笑可人心。旋瀝新醅對客斟。山色未勻春意淺。梅花已老白雲深。半軒依竹閒聽雨。千里懷人欲抱琴。試問樵溪隔年意。碧波東注渺難尋。

丁復

九月一日遊昭亭在宜州

山色江光帶近郊。道旁楊柳舞寒條。半生九日黃花酒。多在西風白下橋。千里客遊仍暮景。異鄉人事又今朝。老來未遣登臨嬾。盡醉東家綠玉瓢。

韓性

陽明洞

日日攜壺坐釣磯。眼看門外軟紅飛。已無遊騎尋芳事。卻訪幽人入翠微。石磴欲青春雨足。酒爐初冷絮花稀。悠然自解登臨意。十里香風一棹歸。

鄭詔

鄭蒙泉鍊師子午谷圖

子真今住子午谷。迺在蛟門西復西。繞屋長松落晴雪。倚天絕壁立丹梯。春回大壑三芝秀。月滿空山一鶴栖。歸去看圖望瀛海。定應沐髮候天雞。

題漁家壁

漫郎家住黃泗浦。閒看飛花坐北窗。渡口青山高似屋。門前潮水直通江。垂楊繫艇已千尺。春鯉上盤纔一雙。野老相過無一事。白頭喜對酒盈缸。

劉永之

題鄒惟中西樓

西樓遠對鼎山斜。野客來尋駕鹿車。竹喚暝煙浮翠黛。石田秋雨潤銀沙。清尊未酌心先醉。往事重論鬢欲華。肯借溪南三畝宅。從君學種邵平瓜。

謝應芳

贈慶別駕

台州別駕不之官。煙水孤村共歲寒。偶有濁醪留晚酌。旋挑生菜簇春盤。三年鄰里通家好。四海兵戈行路難。且喜門前金色柳。東風堪作畫圖看。

懷詹國遠

蝴蝶殘書補未全。齋居一榻坐來穿。楊花遙屋白如雪。溪水出湖青接天。冠蓋不來騎馬客。鷗鳧長傍釣

魚船多時欲問平安信。伏日題詩寄竹邊。

朱希晦

和韻簡天則上人

涼風嫋嫋晚秋天。潮落雙門纜客船。永嘉郡城北有二門。郭璞所以立名雙門。九陌黃塵蓬鬢底。一籬香露菊花邊。故鄉鱸鯿牽歸思。近砌蛩聲攬夜眠。不道分攜成遠別。幾時林下細談禪。

麻革

晚步張輩田間

地入荒蕪過客稀。邨深門巷暮山圍。悠悠獨鳥穿雲下。策策寒烏掠日飛。人事百年梧葉老。秋風萬里稻花肥。兵塵河朔迷歸路。惆悵平沙送夕暉。

楊雲鵬

登濮州北城

層城高絕一攀躋。歲杪臨風客思淒。燒入馬陵秋草黑。鴈橫雪澤暮天低。陳臺事往人何在。曹國川遙望欲迷牢落壯懷誰與語。疎林殘照亂鴉啼。

陳普

鼓瑟

滿樓明月調雲和。五十絃中急雨過。彩鳳拂衣鳴翠竹。素鱗鼓鬣出寒波。淒涼楚客新愁斷。清切湘靈舊

怨多一曲更沉人已靜江頭雲樹綠嵯峨。

郭麟孫

三月三日重遊虎邱

細雨霏霏不溼衣山前山後亂鶯飛過橋春色緋桃樹臨水人家白板扉此地酒帘邀我醉隔船簫鼓送人歸清遊恐盡今朝樂回首闔門又夕暉

柯九思

送趙虛一還金陵書虞翰林詩後

詞臣通籍侍金闈天語從容問舊蹊雲外山高龍虎踞人間松老鳳凰棲翰林擬詔當紅藥道士疏封出紫泥更賜金錢祠泰時寥陽前殿麗璇題

虞翰林詩序曰天歷二年三月廿五日集侍立延閣上顧問集嘗至金陵不集謹對曰嘗到又曰治亭是汝所題往年八九至其處新松當長茂矣集謹對曰是未種松時到也近臣奏言道士趙虛一所種也上曰然已陞觀爲宮汝知之乎集謹對曰臣奉勅題榜賜之矣是日歸虛一來別歸江南卽告以聖上不忘治亭之意又三日吳大宗師持卷來索詩贈行因錄所得如上云詩曰春明晝侍奎章閣聖上從容問治亭爲報仙都趙真人新松好護萬年青

送程鵬翼赴山東運司經歷

齊人富國書猶在煮海爲鹽屬縣官千竈飄煙雲樹濕萬盤凝雪浪花乾西曹儒雅聲華舊東郡司存禮

數寬談笑雲霞公事了大明湖上凭闌干。

李裕

送趙鵬舉之西臺掾

掾曹騎馬赴西臺。迢遞山河幾日回。秋草自隨人去遠。夕陽長共鴈飛來。亂雲荒驛迷秦樹。落葉殘碑有漢苔。最憶年年寒食節。華筵誰向曲江開。

吳訥

宿承天觀用楊廉夫韻

承天觀裏開圖畫。吳越山河一覽中。半夜月明湖水白。五更日出海門紅。綵船春晚笙歌歇。粉蝶風高鼓角雄。十二闌干都倚遍。歸心飛過大江東。

方行

送賈彥臨訓導霍邱

中都會面得從容。兩載同聽長樂鐘。天近君門嚴虎豹。地寬人海混魚龍。承恩自合歸宣室。論道安能老辟雍。江柳春花增別恨。白頭何日更相逢。

潘純

題岳武穆王墳二首

海門寒日澹無暉。偃月堂深晝漏稀。萬竈貔貅江上老。兩宮環珮夢中歸。內園羯鼓催花發。小殿珠簾看

雪飛不道帳前胡旋舞。有人行酒著青衣。

湖水春來自綠波。空林人迹少經過。夜寒石馬嘶風雨。日落山精泣薜蘿。江左長城真自壞。鄰中明月竟誰歌。惟餘滿地蔓宏血。草色年深碧更多。

周 砥

芝雲堂

芝雲主人絕蕭散。燕坐草堂門不扃。古鼎隔簾香裊裊。新篁拂几玉亭亭。十年苦思耽詩卷。三日清齋寫道經。邀我醉眠書畫舫。月明吹笛看雲汀。

周 柒

送曹廣文賦得富覽亭

危亭突兀斗城陰。風物蒼茫入望沉。萬古東南多壯觀。百年豪傑幾登臨。夜中日出扶桑近。天外江流澔澔深。好趁歸帆拂天姥。共憑寥廓寄微吟。

西津夜泊

孤帆夜落石橋西。橋外青山入會稽。臥聽海潮吹地轉。起看江月向人低。一春衰謝憐皮骨。萬國艱虞厭鼓鼙。何處客船歌水調。令人歸思益淒迷。

許 恕

次承文煥黃山醉歸詩韻

黃山之南江水西麥秋天氣野陰低隔溪雨過催花落繞屋雲歸伴鶴棲濂蕩新愁煩濁酒扶持殘醉有枯藜寄來妙句能相憶那得樽前手共攜

題潘氏畫壁

浮空積雪擁千鬟山崦人家俯碧灣飛閣捲簾高鳥外夕陽流水古松間豈無隱者攜家入亦有仙翁採藥還借我高眠蘿屋裏月明風靜聽潺湲

陸仁

題金陵

麗正門當天闕高景陽臺下草蕭蕭江圍大地蟠三楚石偃孤城見六朝落日不將遺恨去秋風能使旅魂消忘情只有龍河柳煙雨年年換舊條

卷七

五言排律

馬祖常

寄舒真人

金闕來華蓋琳壇集羽衣石因鍾乳膩松爲茯苓肥劑墨香翻杵修琴玉布徵天低臨象緯日近逼光輝竹裏開長逕池邊蔽小屏紅迷霞綺錯綠漲水環圍仙杏葩凝赤蟠桃萼翦紺龍來還獨宿鶴去更知歸

割蜜蜂先避。銜書鳳自飛。祠雷陳古磬。符鬼掣靈旛。丹井泉偏列。銅盤露未晞。俗人那得識。詩客盡相依。  
伊我逢休澣。從茲詠洛沂。憑師消鄙吝。猶可採山薇。

送華山隱之宗陽宮

江閣魚龍近。山房霧雨多。地清天不暑。池曲水無波。筍籜迎書帶。櫻桃送錦窠。呦呦呼伴鹿。唼唼換經鵝。  
養素行編屨。乘閒坐織蓑。幾篇餐玉法。一帙醮星科。香爐沉銀葉。衣裾佩紫荷。丹光留海月。絳景出松蘿。  
醉憶泉浮乳。幽憐石爛柯。神君攀綠桂。天女踏青莎。邀客登山頂。尋真入澗阿。洞簫吹道曲。雲紙寫魚歌。  
予髮今如此。君心可奈何。高談見明月。爲我問娑羅。

楊載

春晚喜晴

積雨俄經月。新晴始見春。蒼苔侵別墅。綠水過比鄰。性僻居宜遠。身閑景易親。無詩排世累。有酒縱天真。  
循圃花黏履。憑闌柳拂巾。歌呼從穉子。談笑或嘉賓。漸喜魚樵狎。仍欣鳥雀馴。幽情延薄暮。浩思集清晨。  
養拙元非病。爲文敢自珍。杜門緣底事。作計懶隨人。

宋无

答無住和太初韻見寄

寶地人來少。檻陰自晚晴。片雲依石潤。孤磬出花清。竹筧分泉細。檀煙上攢輕。勒銘留水寺。應供宿江城。  
適楚濤喧定。歸吳雪滯行。雨苔黏凍屐。廊葉覆閒枰。琴爲蛇紋買。書因鳥跡評。眼高無佛祖。詩癖有山兄。

句妙唐風在心空漢月明晝禪休樹影夜梵雜松聲夏減遊方興秋添住岳情何時修白業去結嬾殘盟

陳 旅

陪趙公子遊蔣山卽席次李五峯韻

弭櫂丹陽郭鳴鞭白下山晴原煙翳翳幽樹烏關關石液玻瓈碧雲根瑪瑙殷佛巖開細菊僧徑入叢蒼雨洗川容淨潮隨野色還六朝有遺事盡在夕陽間

周伯琦

八月六日丁亥釋奠孔子廟三十韻

闕里宣尼宅儒林禮樂區右文昭代盛報德聖恩殊天語頒中禁星輶發上都內廷香繞案光祿酒浮壺持節慚專對平原慎載驅秋陽稀稼穡畫路足槐榆歷歷由沂汶行行望泗洙岱宗標近甸魯殿沒荒蕪不見三家采唯餘五父衢祀嚴柔日逼林近絕晨趨廢堞依修阜危臺記舞雩廟宮參象緯書閣壓城閣反宇周阿峻迴廊百步紆蛟鱗蟠玉柱螭首響金鋪庭迥檜千尺壇虛杏數株省牲新雨霽釋奠舊章敷闢戶陳籩俎登歌應瑟竽尊居玄聖儀侑食列賢俱興俯鏘珩佩周旋謹履絢裸將宸意達祝告下誠孚明燎輝雲陛祥熏集寶爐共觀周典禮寧數漢規摹似續於今盛欽崇自古無繚垣隆象魏穹石峙龜趺孤閣青編貯雙亭翠竹扶山川光拱揖泉井澤沾濡推本尊師道題名述廟謨佇看棗束帛豈復歎乘桴制作先東魯朝廷用大儒愚生深有幸歸上孔林圖

王 逢

題馬洲書院并序

馬洲書院者孔聖七十二代孫元虔昆季所建也其五世祖若罕高抗不羣長于春秋當宋南渡自闕里將之衢留滯泰興見河流達南江詢之老人曰此龍開河也西北通淮泗因歎曰吾洙泗龍泉之支流其在茲乎遂築室河上與其子端志各授弟子業從遊日衆乃有畠田百畝人助以力官復其稅戒子孫治生勿求富讀書勿求榮邑大夫嘉之易名龍開河曰敷教示崇化也年六十卒葬河之陽端志克守父道薦辟不就淳祐元年冬邑燬於北兵元虔辟地是洲咸淳間書院落成教授復如初然皆無後今崇聖寺旁惟破屋蔓草遺像瓦爐而已逢懼變遷殆盡故敍其概於壁間庶後之起廢者得以考焉詩曰

蝴蝶秦皆廢靈光魯獨存豆籩漂海國丹牋暗淮鄖苔蘚花侵礎蒲蘆葉擁門青春深霧潦白日老乾坤德化三王並威儀百代尊郊麟初隱遁野兕遂崩奔先輩俱冥漠諸生罷講論斷編塵樹冷遺像網蟲昏盡變衣冠俗終歸禮義源江南遊學士瞻拜敢忘言

陳孚

翰苑薦爲應奉文字二十韻謝大司徒并呈諸學士

天上金鑾客。人間第一流。贊爲唐內相。禹拜漢元侯。鯤海三千水。龜峯十二樓。月寒紅燭夜。風淡紫薇秋。鳳誥窺姚姒。麟編振魯鄒。佩隨宮漏遠。衣染御香浮。淑氣騰金碧。祥光射斗牛。焜煌青瑣闈。縹渺紫霞洲。瑪瑙濡堯甕。珊瑚耀漢鉤。駢蹄中禁釜。豹尾上方騶。僕本師黃卷。生惟伴白鷗。親庭雙鶴髮。家事一漁舟。

偶預天官選，來爲帝里遊。  
綠章蒙獨薦，青史許同修。  
故郡驚王勃，新豐異馬周。  
隊隨魚圉圉，角喜鹿呦呦。  
勢似飛三鳳，功如輓萬牛。  
桑榆終有望，葑菲未爲愁。  
國士恩難報，書生志易酬。  
誓堅冰雪操，正色贊皇猷。

傅若金

奉送達兼善御史赴河南憲僉十二韻

聖治尊儒術，賢才翼帝躬。  
立朝防觸豸，行路避乘驄。  
復道河南去，先愁冀北空。  
激揚元自任，出處豈謀同。  
地絕看持節，天長惜轉蓬。  
繡衣今日把尺素，幾時通別酒。  
花開裏征帆木落中，薊門懸夜月。  
梁苑度秋風，古縣藤蘿碧。  
霜林果蓏紅，諮詢行每偏。  
閑暇賦能工，白日明高岳。  
黃河繞故宮，登臨興何限。  
題寄北飛鴻，登岳陽樓。

雅 虞

上執政四十韻

聖主飛龍日，求賢似拾珍。  
典謨皆故老，登用必元臣。  
日月當黃道，風雲擁紫宸。  
華封歸帝力，壽域固吾民。  
旭旭時將旦，熙熙物自春。  
唐虞風未遠，鄒魯俗還淳。  
往者三靈墜，扶持賴有人。  
斬鯨清海沸，鍊石補天連。  
工鯀趨刑辟，皇夔起隱淪。  
明公辭政久，首詔趣裝頻。  
渴慰蒼生望，飢憐赤子貧。  
朝陽先覩鳳，春歷正書麟。

總代天成化俱爲政入神五朝居輔弼三世掌經綸皇眷恩波闊玄功德澤均房謀兼杜斷蕭律繼曹遵  
曆法義經祕書文頡篆新山河由秉筆社稷在垂紳衆水宗南渤諸星拱北辰濟爲舟楫重任託股肱親  
玉燭調元氣金樞運大鈞都俞聞密贊諫論喜重陳聲教流沙外謳歌碣石濱烏臺分繡斧鳳詔繼華茵  
練達時無匹公忠世絕倫棟梁支大廈柱石表重闢天下皆桃李人間靜棘榛中台方止席東閣又延賓  
有客懷吾道無媒致此身窮經甘寂寞抱拙忍酸辛虎榜叨前列鶴墀接後塵郎潛嗟咄咄吏隱歎逡逡  
十口長爲旅三年屢卜鄰稻粱猶不足抱負豈能伸養母留甘旨居官守誨諄正言期董賈枉道恥儀秦  
草芥難終棄芻蕘尚可詢修塗多駿足涸轍有潛鱗未遂風雲信猶霑雨露仁天瓢能一滴咫尺是通津

李裕

次宋編修顯夫南陌詩四十韻

麗質過邯鄲春風直幾錢送情憐眼艷凝竚覺身偏霞淡斜侵鴈雲輕巧襯蟬芳金搖翠勒暖玉藉絨鞶  
臉媚風初信眉彎月未弦綠深芳草雨紅綻碧桃天卻扇羞花落褰裳妬酒翻關心時淺笑憶別自微言  
條脫濃香暖巾纓膩粉斑幽期祇奢約私語每防閑田木須連理吳梅易引涎襦長腰並柳襪小步移蓮  
枕障熏沉水屏圍畫遠山體輕嫌蔽膝指嫩瑩彊環悵蕩元非醉朦朧不爲眠繡盤花猗儺錦就字洄聯  
鎖合沉魚夕筭閑少鴈寒美人何杳杳良夜獨漫漫乍見都疑夢相逢信契仙憐才多婉婉倚態轉翩妍  
璧月紅牕外銀河碧樹邊幔輕雲影動簾靜浪紋懸裙薄綃長皺裯重錦未薰妝臺宜向日舞袖欲隨煙  
雞舌遙聞韻猩脣厭授餐深衣留睡碧繫帛表心丹只憶愁腸斷寧知別緒牽寶釵分鳳翼鉏合寄龍團

紅豆膏凝篋。文鵝繡作繁。淒迷千日酒。惆悵五雲軒。楚女窺牆日。文園病渴年。合歡連組帶。解佩雜芳荃。纓斷風前燭。香偷別後筵。額黃紅粉淡。淚顆紺珠鮮。苔迹和塵印。花陰帶露穿。時時傷往事。故故寄新篇。人去愁千疊。心傷恨萬端。蝶晴隨絮遠。鶯曉怨春殘。夢好心多感。情深意已傳。藤蕪空滿地。欲贈思依然。

## 卷八

### 五言絕

#### 元好問

##### 山居雜詩

瘦竹簾斜挂。叢花草亂生。林高風有態。苔滑水無聲。  
樹合秋聲滿。邨荒暮景閒。虹收仍白雨。雲動忽青山。  
川迥楓林散。山深竹港幽。疎煙沉去鳥。落日送歸牛。  
鶯影兼秋靜。蟬聲帶晚涼。陂長留積水。川闊盡斜陽。

#### 牟巘

##### 溪邊釣船

莫出前溪去。隨宜下釣鉤。風波若不惡。鱸鱖滿船頭。

#### 揭傒斯

元詩別裁 卷八 七言絕

一百四

和歐陽南陽月夜思

月出照中園。鄰家猶未眠。不嫌風露冷。看到樹陰圓。

薩都刺

過高郵射陽湖

飄蕭樹梢風。淅瀝湖上雨。不見打魚人。菰蒲鴈相語。  
秋風吹白波。秋雨鳴敗荷。平湖三十里。過客感秋多。

龔璛

泊舟

小舟尋夜泊。明月散風瀾。故人相別處。雙鶯立前灘。

高克恭

種筆亭題畫

積雨暗林屋。晚峯晴露巔。扁舟入蘋渚。浮動一谿煙。

郭翼

陽春曲

柳色青堪把。櫻花雪未乾。宮中裁白苧。猶怯翦刀寒。

七言絕

元好問

杏花雜詩

杏花牆外一枝橫。半面宮妝出曉晴。  
看盡春風不回首。寶兒元自太憨生。  
嬌媚纖條映酒船。綠嬌紅小不勝憐。  
長年自笑情緣在。猶要春風慰眼前。

楊柳

楊柳青青溝水流。鶯兒調舌弄嬌柔。  
桃花記得題詩客。斜倚春風笑不休。

榆杜破口韻早發

瘦馬長途嬾著鞭。客懷牢落五更天。  
幾時不屬雞聲管。睡徹東窗日影偏。

同兒輩賦未開海棠二首

翠葉輕籠豆顆勻。臘脂濃抹蠟痕新。  
殷勤留著花梢露。滴下生紅可惜春。  
枝間新綠重重重。小蕾深藏數點紅。  
愛惜芳心莫輕吐。且教桃李鬧春風。

李俊民

遇雲臺

夜半風吹霽色開。曉來殘月過雲臺。  
連山斷處瞰平野。一線黃流掌上來。

雨後

春空靄靄暮雲低。飛過前山雨一犁。  
明日卻尋歸去路。馬蹏猶踏落花泥。

劉因

下山

翠霞騰暈紫成堆。收盡雲烟酒一杯。相見浮嵐在眉宇。人人知道看山回。

方回

春晚雜興

芳草茸茸沒屢深。清和天氣潤園林。霏微小雨初晴處。暗數青梅立樹陰。

黃庚

江邨

極目江天一望賅。寒烟漠漠日西斜。十分春色無人管。半屬蘆花半蓼花。

耶律楚材

過濟源登裴公亭用閒閒老人韻

山接青霄水浸空。山光灔灔水溶溶。風迴一鏡揉藍淺。雨過千峯潑黛濃。

劉秉忠

溪上

蘆花遠映釣舟行。漁笛時聞三兩聲。一陣西風吹雨散。夕陽還在水邊明。

城西遊

昨朝信馬鳳城西。鞭約垂楊過小隄。春色滿園花勝錦。黃鸝只揀好枝曉。

許衡

宿卓水

寒釭挑盡火重生。竹有清聲月自明。一夜客牕眠不穩。卻聽山犬吠柴荆。

元淮

春閨

杏花零落燕泥香。閒立東風看夕陽。倒把鳳翹搔鬢影。一雙蝴蝶過東牆。

趙孟頫

絕句

春寒惻惻掩重門。金鴨香殘火尙溫。燕子不來花又落。一庭風雨自黃昏。

東城

野店桃花紅粉姿。陌頭楊柳綠烟絲。不因送客東城去。過卻春光總不知。

趙雍

暮春

綠陰庭院碧窗紗。半卷珠簾映晚霞。芳草萋萋春寂寂。東風吹墮落殘花。

初秋夜坐

元詩別裁

卷八 七言絕

月明如水侵衣濕。臺榭沉沉秋夜長。坐久高僧禪語罷。澹然相對玉簪香。

袁桷

晚訪仲章不遇

小院春濃落照閒。碧簾相對乳禽還。晚風陣歇遊絲盡。留得歸雲在屋山。

許有壬

琳宮詞次安南王韻

涼入簾幙夜色輕。瑤臺添月更虛明。一壺天地渾無迹。只有清風動竹聲。

楊載

宿凌儀公湖亭

兩兩三三白鳥飛。背人斜去落漁磯。雨餘不遣濃雲散。猶向前山擁翠微。

范榦

遊南臺閩粵王廟

海角釣龍人杳杳。雲間待鴈路迢迢。若爲借得山頭石。每到高秋坐看潮。

上元日

蓬萊宮闕峙青天。後內看燈記往年。誰念東籬山下路。再逢春日向人圓。

歐陽系

京城雜詠

奉詔修書白玉堂。朝朝騎馬傍宮牆。  
牋河東畔垂楊柳。時有鶯聲似故鄉。

薩都刺

贈彈箏者

銀甲彈冰五十絃。海門風急鴈行偏。  
故人情怨知多少。揚子江頭月滿船。

秋夜聞笛

何人吹笛秋風外。北固山前月色寒。  
亦有江南未歸客。徘徊終夜倚闌干。

道過贊善庵

夕陽欲下少行人。綠徧苔茵路不分。  
修竹萬竿松影亂。山風吹作滿窗雲。

宋无

山中

半嶺松聲樵客分。一溪春草鹿成羣。  
採芝人入翠微去。丹竈石壇空白雲。

春歸

釀蜜筒香蜂報衙。杏梁泥歇燕成家。  
浮萍斷送春歸去。盡向東流載落花。

周權

漁翁

元詩別裁

卷八 七言絕

轉櫂收緒日未西。短篷斜閣斷沙低。賣魚買酒歸來晚。風颭蘆花雪滿溪。

晚渡

離離野樹綠生烟。灼灼山花爛欲然。酤酒人歸春渡寂。柳根閑繫夕陽船。

朱德潤

沙湖晚歸

山埜低迴落鴈斜。炊烟茅屋起平沙。櫓聲歸去浪痕淺。搖動一灘紅蓼花。

洪希文

幽居

投老安閑世味疎。深深水竹葺幽居。牀頭昨夜風吹落。多是經年未報書。

王翰

題敗荷

曾向西湖載酒歸。香風十里弄晴暉。芳菲今日凋零盡。卻送秋聲到客衣。

鄭元祐

寄金山普衲

金鼈背上鬱藍天。長有神龍衛法筵。午夜江聲推月上。浪花如雪寺門前。

倪瓈

六月五日偶成

坐看青苔欲上衣。一池春水靄餘暉。荒村盡日無車馬。時有殘雲伴鶴歸。

顧瑛

泊垂虹橋口占

三江之水太湖東。激浪輕舟疾若風。白鳥羣飛烟樹末。青山都在雪花中。

發閨門

閨門西去是陽關。疊疊秋風疊疊山。便是早春相別處。如今楊柳不堪攀。今春送于外史歸越上。

陳孚

博浪沙

一擊車中膽氣豪。祖龍社稷已驚搖。如何十二金人外。猶有民間鐵未銷。

高克恭

過信州

二千里地佳山水。無數海棠官道旁。風送落紅攬馬過。春風更比路人忙。

郭天錫

宿焦山上方

揚子江頭風浪平。焦山寺裏晚鐘鳴。爐烟已斷燈花落。喚起山僧看月明。

傅若金

回鴈峯

江上青峯宿雨開。江頭歸使日南來。登高欲訪平安字。二月衡陽鴈已回。

王士熙

李宮人琵琶引

瓊花春島百花香。太液池邊夜色涼。一曲六么天上譜。君王曾進紫霞觴。龍柱雕犀錦面妝。春風一抹綵絲長。新聲不用黃金撥。玉指蕭蕭弄晚涼。鸞輿五月幸龍岡。宣喚新聲促曉妝。撥斷冰絃秋滿眼。塞天雲碧草茫茫。越羅蜀錦舊衣裳。贏得旁人識賜香。莫對琵琶思往事。聲聲彈出斷人腸。

吳鎮

畫竹

長憶前朝李薊邱。墨君天下擅風流。百年遺蹟留人世。寫破湘潭夢裏秋。

黃公望

題畫

茂林石磴小亭邊。遙望雲山隔澹烟。卻憶舊遊何處是。翠蛟亭下看流泉。

黃清老

海子上有期

金隄晴日共鳴鑼。傾蓋松陰待早朝。  
數盡荷花數荷葉。碧雲移過水東橋。

王冕

梅花

三月東風吹雪消。湖南山色翠如澆。  
一聲羌笛無人見。無數梅花落野橋。

鄭韶

次韻陸友仁吳中覽古

赤闌橋下記停橈。細雨菰蒲響暮潮。  
說與行人莫回首。故宮烟柳正蕭蕭。

貢性之

暮春二首

吳娃二八正嬌容。鬪草尋花趁暖風。  
日暮歸來春困重。鞦韆閒在月明中。  
惜花公子愛春晴。駿馬驕嘶曉出城。  
半醉歸來人共看。笑將金彈打流鶯。

題菜

西風吹動錦爛斑。曉起窺園露未乾。  
三日宿醒醒不得。正思風味到辛盤。

湧金門見柳

湧金門外柳垂金。三日不來成綠陰。  
折取一枝入城去。使人知道已春深。

元詩別裁

卷八 七言絕

朱希晦

寄友

雨過溪頭鳥篆沙。溪山深處野人家。  
門前桃李都飛盡。又見春光到棟花。

曹之謙

秋夜

寂寂江城夜向闌。西風吹鴈叫雲端。  
一聲遠過南樓去。月滿碧天秋水寒。

周 馳

和郭安道治書韻

西風吹起白頭波。半夜扁舟掠岸過。  
不向長橋沽一醉。滿天明月奈秋何。

繆鑑

詠鶴

青山修竹矮籬笆。鬢鬚林泉隱者家。  
酷愛綠窗風日美。鶴梳輕毳亂楊花。

柯九思

退直贈月

西華門外玉驄驕。新賜羅衣退晚朝。  
繡枕魂清疎雨暮。海棠銀燭度春宵。

彭炳

小橋

落花如雪馬蹄香。幾樹黃鸝欲斷腸。行到小橋春影碧。一溝晴水浸垂楊。

汪澤民

次友人春日見寄韻

清景行行一徑苔。蘭樽特爲晚春開。綠陰青紫猶堪賞。昨日游人自不來。

陳秀民

寄紹興呂左丞

後來江左英賢傳。又是淮西保相家。見說錦袍酣戰罷。不驚越女采荷花。按輟耕錄云。張氏據有平江。部將呂珍守越。參軍陳庶子饒介之在左右。一日陳賦此詩。饒染翰題扇以寄呂。詞翰雙絕。呂倩人謠罷。大怒曰。我爲主人血戰守封疆。豈愛一女子不忍驚乎。見則必殺之。

高明

暮春卽事

楊柳樓前白鼻驕。金鞍被了喚名娃。重簾深處無風雨。肯信春寒瘦杏花。

周砥

經杜樊川水榭故基

落花風裏酒旗搖。水榭無人春寂寥。何許長亭七十五。野鶯烟樹綠迢迢。

補遺

五言古

趙孟頫

慶壽僧舍卽事

白雨映青松，蕭颯灑朱閣。  
稍覺暑氣銷，微涼度疎箔。  
客居秋寺古，心跡俱寂寞。  
夕蟲鳴階砌，孤螢炯叢薄。

范 檳

明月幾回滿

明月幾回滿。待君君未歸。  
中庭步芳草。蝴蝶上人衣。  
誰念同袍者。閒居與願違。

揭傒斯

寄題馮掾東臯園亭

時雨散繁綠，緒風滿平原。  
興言慕君子，退食在邱園。  
出應當世務，入詠幽人言。  
池流澹無聲，畦蔬蔚葱芊。  
高林麗陽景，羣山若浮煙。  
好鳥應候鳴，新音和且閑。  
時與文士俱，逍遙農圃春。  
理遠自知簡，情忘可避喧。  
庶云保貞和，歲暮委周旋。

黃 潛

西峴峯

層雲抱春城，急瀨洩嵌竇。修蹊入窈窕，衆綠鬱以茂。名亭標水樂，折柱荒碑仆。幽尋得縕廬，亂石缺結構。  
青精午堪飯，碧澗寒可漱。平生慕真賞，及此成邂逅。冥探指頂絕，有路忽通透。緣蘿度蒙密，翠氣濕衣袖。  
寄身汎寥內，下睨人寰陋。清謳雜風竹，大嘯落巖狹。東峯在眉睫，可望不可就。同遊卻何時，瑤草春已秀。

夜興

秋氣入病骨，殘夢倏然驚。芭蕉葉間露，風過皆成聲。攬衣汎寥內，搔首天河橫。飢蟲語不休，中宵誰汝令。  
孤鴻亦何苦，犯霜度微明。悠悠念羣動，百感忽我并。大化倘不爾，吾亦免營營。

李老谷

緣崖一徑微，入谷雙嶂窄。密林日易昏，况乃雲雨積。行人望烟火，客舍依山色。家僮爲張燈，野老煩避席。  
未覺風俗殊，祇驚關河隔。嚴程不可緩，子規勿勸客。

赤城

雞鳴秣吾馬，晚飯山中行。何以慰旅懷，赤城有嘉名。灘長石齒齒，樹細風泠泠。時見巖壁間，粲若丹砂明。  
溫泉發其陽，擗訶勤百靈。前峯指金闕，真境標殊庭。白道人跡稀，青崖雲氣生。信美無少留，緬焉起深情。

擔子窪

自從始出關，數日走崖谷。迢迢度偏嶺，險盡得平陸。陂陀皆土山，高下紛起伏。連天暗豐草，不復見林木。  
行人烟際來，牛羊雨中牧。颯然衣裳單，咫尺異寒燠。佇立方有懷，相逢仍問俗。畏途宜疾驅，更傍灤河宿。

題清華亭

名區匯修渚，流望依平陸。  
飛雨天際來，遠峯淨如沐。  
生香餘晚花，繁陰藹嘉木。  
秀色坐可攬，終然不盈掬。  
觸景幽興多，接物道機熟。  
誰能與之游，食芳飲山渌。

曉行湖上

曉行重湖上，旭日青林半。  
霧露寒未除，鳬鶩靜初散。  
夤緣際餘景，閃倏多遺玩。  
會心乍有得，撫已還成歎。  
夙予丹霞約，久茲芳洲畔。  
獨往願易違，離居歲方換。  
沙暄芷芽動，春遠川華亂。  
存期乃寂寞，取適豈爛漫。  
小隱倘見招，漁樵共昏旦。

柳 貫

袁伯長侍講伯生伯庸二待制同赴北都，卻還夜宿聯句歸以示予，次韻效體發三賢一笑。  
杜詩詫蜀險，高有石櫃閣。  
安知居庸口，可掠太白腳。  
馬行已崇顚，鳥度尙層壑。  
林蹊曠迷轍，崖井荒留幕。  
俯疑日沈車，閱若風鼓橐。  
元雲倏揚旛，朱霞粲塗蘚。  
數驛程匪晵，裹裘寒更薄。  
客魂逢酒消，鬼膽因詩愕。  
蟠木將爲容，胡繩未宜嚴。  
召戒晨趨澄晏際，秋廓紫薇晶。  
煥爛瀚海氣冥漠，腰無兩鞬屬。  
道有五丁鑿，弭轡誰所援。  
還衡猶屢錯，小息樹吟旌。  
爭先厲詞鍔，非開石首筵。  
似聽郾城柝，巨敵無前勍。  
偏師當後卻，弭轡誰所援。

貢師泰

秋夜和韓與玉

齋居在城西，庭戶頗幽敞。  
涼風起高樹，落葉時時響。  
境靜人少來，理悟心自賞。  
方忻結同盟，慎勿成獨往。

迺 賢

李老谷

高秋遠行邁。入谷雲氣暝。稍稍微雨來。漸怯衣裳冷。纏紝紆青崦窄。杳靄烟竹廻。峯迴稍開豁。夕陽散微影。霜葉落秋澗。寒花媚秋嶺。窮途見土屋。人烟雜墟井。平生愛山癖。渴此愜幽靜。月落聞子規。懷歸心耿耿。

周 權

溪之濱

小雨淨川綠。翫心鷗鳥羣。拂蘚憩幽磴。松花點衣巾。禪局杳何處。疎磬時遠聞。青烟濕山道。牛羊下斜曛。

余 閟

秋興亭

涉江登危榭。引望二川流。雙城共臨水。兩岸起飛樓。漠渚深初綠。江臯迥易秋。金風揚素浪。丹霞麗綵舟。登高及佳日。能賦命良儔。御者奉旨酒。庖人供膳羞。一爲山水媚。能令車馬留。爲語同懷者。有暇卽來遊。

安慶郡庠後亭讌董僉事

鯨鯢起襄漢。郡邑盡燒殘。茲城獨完好。使者一開顏。省風降文囿。弭節遵曲干。雙池夾行徑。累榭在雲間。天淨羣峯出。地迴蒼江環。霞生射蛟臺。鴈沒逢龍山。開樽華堂上。命酌頽危闌。主人送瑤爵。但云嘉會難。豈爲杯酒歡。樂此罷民安。魄淵無恆彩。清川有急瀾。明晨起驂服。相望阻重關。

鄭 祐

元詩別裁 補遺 五言古

送友還鄉

墮地作兒女，有用及須早。當年懸弧意，焉得鄉曲老。  
青雲一蹉跎，鬢髮日已皓。常恐歸去遲，心焉愁如搘。  
我家東吳城，翠竹森若葆。力耕輸王稅，妻子亦溫飽。  
詩成每獨咏，觴至或共倒。富貴將焉如，歲晏聊自保。

郭麟孫

遊虎邱

海峯何從來，平地湧高嶺。去城不七里，幻此幽絕境。  
芳遊坐遲暮，無物惜餘景。樹暗雲巖深，花落春寺靜。  
野草時有香，風絮淡無影。山行紛遊人，金翠競馳騁。  
朝來有爽氣，此意獨誰領。我來極登覽，妙靈應自省。  
遙看青數尖，俯視綠萬頃。逃禪問點石，試茗汲憨井。  
意行忘步滑，野坐怯衣冷。聊爲無事飲，頗覺清晝永。  
藉草方醉眠，松風忽吹醒。

盧摯

行農洛西題王居仁山堂春曉

幽人持所見，曠然捐世故。豈薄軒冕榮，正有林壑趣。  
興居惟自適，早晏常暇豫。芳草澤氣春，鳥鳴嵐光曙。  
巖花抗韶容，溪雲澹吾慮。圖史敦夙好，朋遊非外慕。  
相邀具雞黍，笑言在農務。我來忝符竹，行田課耕助。  
撫卷懷清風，長吟山郭暮。

柯九思

送林彥清歸永嘉

鴈蕩接銀漢，翠湧生高寒。芙蓉散秋錦，飛落秋雲端。我昔造絕頂，天闊路漫漫。遙瞻廣寒殿，素娥正憑闌。白兔擣月魄，指顧成神丹。因招宋成公，吹簫乘紫鸞。俯視九萬里，元氣青團團。別來知幾時，弱水如平灘。忽遇鴈山客，霞佩青蓮冠。還入鴈山去，玉髓供晨餐。報我舊遊者，久待凌烟巒。吾患爲有身，南望空長歎。

高明

宿先公房曉起偶成

曉雨池上來，微風動寒綠。幽人睡初起，開牕見修竹。西山帶層雲，隱隱出林木。境寂塵自空，慮淡趣常足。獨坐無晤言，流泉下深谷。

賦幽慵齋

閉門春草長，荒庭積雨餘。青苔無人掃，永日謝軒車。清風忽南來，吹墮几上書。夢覺聞啼鳥，雲山滿吾廬。安得嵇中散，尊酒相與娛。

周砥

夜坐懷孝常

待月下石壁，罷琴竹間亭。坐絕百蟲響，旅懷纔夜寧。天高玉露瀉，草木流晶熒。四山湛秋色，萬物無隱形。風蟬抱葉落，雪鵠迫雲停。此時西澗人，柴門久已扃。誰同展清會，念此風泠泠。世難避空谷，憂思同醉醒。偶適不爲貴，人生易飄零。茫茫河漢流，熒惑光衆星。干戈未衰息，前途杳冥冥。歲晏有結托，東去浮滄溟。

元詩別裁 補遺 五言古

一百二十一

倪瓈

池蓮詠

迴翔波間風的歷葉上露清池結素彩華月映微步雲陰花房歛雨歇芳氣度欲去拾明璫踟蹰惜遲暮葉顫

漁父曲

雨過暮雲收江空涼月出輕蓑獨釣翁一曲秋風笛宿鷺忽驚飛點破烟波碧

陳孚

江天暮雪

長空卷玉花汀洲白浩浩鴈影不復見千崖暮如曉漁翁寒欲歸不記巴陵道坐睡船自流雲深一蓑小

何中

宿田家

村暗烟火生林深雞犬靜稻花如積雪月色澹相映隣家夜汲歸寒蟲滿幽徑

七言古

馬祖常

湖北驛中偶成

江田稻花露始零浦中蓮子青復青楚船祠龍來買酒十幅蒲帆上洞庭羅衣熏香錢滿篋身是揚州販

鹽客明年載米入長安妻封縣君身有官

范 槟

奉酬段御史登岳陽樓之作時分理盜賊至海康

誰能手鋪湘水平。剗卻君山看洞庭。昔人已騎黃鶴去。樓前亂芷春蘭青。豈知繡衣后千載。遠違鳳闕來江城。憑高弔古落日紫。領客置酒開雲屏。酒酣點筆賦新句。薄海傳誦令人驚憶我初遊白玉京。與君聯步趨承明。手宣皇猷敷帝績。濟濟學士如登瀛。一行竟墮萬里外。回首滄浪思濯纓。守官區區事無補。惟有白髮欺人生。祥柯水外萬竹底。四時鳥語烟邊鳴。忽忽此地復相見。恍如幽夢來仙靈。中宵秣馬不遑暇。君又北鄉予南征。如茲後會復何日。念之使我雙涕零。宮中聖人總四溟。所過海岳須澄清。鐵冠峨峨望天下。青霄快展皆修程。由來豺虎伏仁獸。況有鷹隼當秋橫。明夜相思隔雲雨。月落高臺聞笛聲。

揭僕斯

曹將軍下槽馬圖

曹霸畫馬真是馬。宛頸相摩槽檻下。卓犖權奇果如此。豈有世上無知者。朱絲不是凡馬轄。天閑十二皆龍驤。曾從天子平四方。畫圖彷彿餘驥黃。華山之陽春草長。

薩都刺

芙蓉曲

秋江渺渺芙蓉芳。秋江女兒將斷腸。絳袍春淺護雲暖。翠袖日暮迎風涼。鯉魚吹浪江波白。霜落洞庭飛。

元詩別裁 補遺 七言古

木葉盪舟何處采蓮人愛惜芙蓉好顏色

登樂陵臺倚梧桐望月有懷南臺李御史藝七夕後一日也

涼風吹墮梧桐月瀉水泠泠露華白樂陵臺上悄無人獨倚梧桐看明月月高當午桐陰直不覺衣沾露華溼此時卻憶在金陵酒醒江樓聽吹笛

張翥

范寬山水

憶昔往尋剡中山南明天姥相繁盤客路上頭穿烏道行人腳底踏風湍旦寒露重多成雨洩霧濛雲互吞吐僕夫相呼巖壑間空響膺人作人語溪窮斷岸地忽平石門壁立如削成隔水無數山花明中有人家雞犬聲向來老眼曾到處此境俱作桃源行百年留在范寬筆水墨精神且蕭瑟上有翰林學士之院章恐是宣和舊時物林猿野鶴應自在令我相見猶前日時平會乞閑身歸一壑得專吾事畢

許謙

馮公嶺

層巒疊嶂危相倚亂石飄風湧秋水寒松荒草間蒼黃照眼崢嶸三十里初如井底觀天門一峯巍然中獨尊繁回百折至絕頂俯視衆嶺來兒孫人言此山插霄漢馬不容鞭僕夫歎攀援何異蜀道難氣竭神疲背流汗熟視徐行路覺平心寬意適步更輕志須預定自遠到世事豈得終無成我來正直窮冬月倚秋巖前嚼松雪午店烟生野飯香陽坡日近梅花發寄語悠悠行路人乾坤設險君勿嗔胸中芥蒂未盡

去須信坦道多荆榛。

陳基

裁衣曲

殷勤織紈綺寸寸成文理。裁作遠人衣。縫縫不敢遲。裁衣不怕翦刀寒。寄遠惟憂行路難。臨裁更憶身長短。只恐邊城衣帶緩。銀燈照壁忽垂花。萬一衣成人到家。

張憲

東門行

東都門外古今稀。東宮二傅同日歸。百官祖道設供帳。勅賜黃金作酒貲。歸來日日會親友。盡賣賜金買醇酒。白頭剛博蕭望之也。空勞勞一杯鳩羽不就獄。博得君王祠少牢。

陳橋行

唐宮夜祝邈佶烈。憂民一念通天闕。帝星下射甲馬營。紫霧紅光掩明月。殿前點檢作天子。方頤大口空誅死。重光相盪兩金烏。十幅黃旛上龍體。中書相公掌穿爪。不死不忍祕鴻寶。畫瓠學士獨先幾。禪授雄文袖中草。君不見五十三年血載塗。五家八姓相吞屠。陳橋亂卒不擁馬。撫掌先生肯墜驢。

咸淳師相

咸淳師相專軍國。堂吏館賓供羽翼。諸司百職聽使令。臺諫承顏言路塞。輪舟五日一入朝。湖山佳處多逍遙。諛言佞語頌功德。邊事軍聲聽寂寥。半閑堂連多寶閣。歌姬舞妓相歡樂。十年國勢盡傾摧。猶謂師

元詩別裁補遺七言古

臣堪付託師臣師臣躬督兵珠金沙頭鐸一聲十三萬人齊解甲寡婦孤兒俱北行君不見黯淡溪流東復東木棉花開生悲風師臣不忍馬革裹廁上有入能拉胸

卞思義

溪山春雨圖

野人結屋臨溪上溪上白雲生疊嶂城中車馬自紛紜朝聽樵歌暮漁唱雲林靉靆春日低小橋流水行人稀桃花落盡春何處風雨滿山啼竹雞

潘純

送杭州經歷李全初代歸

東家老人語且悲哀年卻憶垂髫時王師百萬若過客青蓋夜出人不知巷南巷北癡兒女把臂牽衣學番語高樓急管酒旗風小院新聲杏花雨比來官長能相憐民間蝶蝶飛青錢黃金白璧駄西馬明珠紫貝輸南船繁華消歇如翻掌宮中賦斂年年長里巷蕭條去不歸華屋重門結蛛網語中嗚咽不欲聞道旁虎狼方紛紜麒麟鳳凰那復得使我益重髫參軍參軍在官近一考素髮蕭蕭坐成老上言掣肘下吏罵賴有閭閻獨稱好杭州公事天下繁大才處決無留難參軍累官日益貴何術可使斯民安

楊維楨

殺虎行

劉平妻胡氏從平戍零陽平爲虎擒胡殺虎爭夫千載義烈有足歌者爲賦是章

夫從軍妾從主夢魂猶痛刀箭瘢況乃全軀飼豺虎拔刀誓天天爲怒眼中於菟小於鼠血號虎鬼冤魂語精光夜貫新阡土可憐三世不復仇泰山之婦何足數

張昱

五王行春圖

開元天子達四聰羽旄管籥行相從當時從駕驪山者宰相猶是璟與崇華萼樓中雲氣裏兄弟同眠復同起玉環一旦入深宮大枕長衾冷如水興慶池頭花樹邊梨園小部俱嬋娟楊家姊妹夜遊處銀燭萬條生紫烟寧知樂極哀方始羯鼓未終鼙鼓起褒斜西幸雨淋鉛回首長安幾千里

郭珏

長相思

長相思相思者誰自從送上馬夜夜愁空幃曉窺玉鏡雙蛾眉怨君卻是憐君時湖水浸秋藕花白傷心落日鴛鴦飛爲君種取女蘿草寒藤長過青松枝爲君護取珊瑚枕啼痕滅盡生網絲人生有情甘白首何乃不得長相隨瀟瀟風雨喔喔鳴雞相思者誰夢寐見之

五言律

方夔

早行

早起理歸裝殘燈耿曙光開門半山月立馬一庭霜鐘響知雲寺波聲認石梁修途留不住去去出山莊

元詩別裁補遺五言律

黃潛

抱琴

三尺枯桐樹相隨年數深此行端有意何處託知音隱隱青山夜寥寥太古心空攜水仙曲更向海中岑

陪仇仁父先生登石頭城

談笑逢諸老登臨失故亭薄遊成汗漫高步覺躋躋峽水通吳白淮山入楚青平生一杯酒及此慰飄零

周權

野趣

地偏居自穩石路接平田雲合茅簷樹雨添花澗泉空山晴滴翠遠水綠生烟喚酒青林度斜陽繫客船

余闕

呂公亭

鄂渚江漢會茲亭宅其幽我來窺石鏡兼得眺芳洲遠岫雲中沒春江雨外流何如乘白鶴吹笛過南樓

陳高

夜半舟發丹陽

舟子貪風順開帆半夜行天寒四野靜水白大星明長鋏歸何日浮萍笑此生柁樓眠不穩起坐待雞鳴

倪瓈

聽袁子方彈琴

蕙帳凝夕清。高堂流月明。芳琴發綺席。列坐散繁纓。迴翔別鵠意。縹渺孤鸞鳴。一寫冰霜操。掩仰寄餘情。

何 中

雨後晚行

棲鳥黃昏後。歸牛蒼莽間。水明疑有月。烟淡欲無山。幽谷元非隱。高人自喜閒。徘徊不能去。莎碧更荒灣。

七言律

黃 庚

題吳實齋北山別業

北山佳境勝南山。乘興登臨眼界寬。樵斧伐雲春谷暗。漁榔敲月夜溪寒。一區池占林泉勝。四面天開圖畫看。竹屋數間塵不到。主人日日凭欄杆。

張養浩

登泰山

風雲一舉到天關。快意生平有此觀。萬古齊州烟九點。五更滄海日三竿。向來井處方知險。今後巢居亦覺寬。笑拍洪崖咏新作。滿空笙鶴下高寒。

虞 集

費無隱丹室

碧雲雙引樹重重。除卻丹經戶牖空。一徑綠陰三月雨。數聲啼鳥百花風。年深不記栽桃客。夜靜長留賣

元 詩 別 裝 補遺 七言律

藥翁幾度到來渾不語獨依秋色數歸鴻。

送韓伯高僉憲湖西

正月樓船過大江。海風吹雨灑船窗。雲消虹霓橫山閣。潮落鼈鼈避石矼。闕下諫書誰第一。濟南名士舊無雙。湖陰暑退多魚鳥。應勝愁吟對怒瀧。

楊載

暮春遊西湖北山

愁耳偏工著雨聲。好懷常恐負山行。未辭花事駸駸盛。正喜湖光淡淡晴。倦憩客猶勤訪寺。幽棲吾欲厭歸城。綠疇桑麥盤櫻筍。因憶離家恰歲更。

黃潛

上巖寺訪一公

曉色微茫尚帶星。修蹊犖確斷人行。獨支瘦竹身猶健。高入重雲地忽平。落月正當山缺處。細泉頻作雨來聲。上方燈火青林曲。隱隱疎鐘一再鳴。

題觀海圖

昔年解纜岑江上。初日團團水底紅。鼈吼忽搖千尺浪。鶴飛仍挾半帆風。遙看島嶼如星散。祇謂神仙有路通。及此棲身萬人海。舊遊卻在畫圖中。

薩都刺

層樓晚眺

廣寒世界夜迢迢。醉拍欄杆酒易消。河漢入樓天不夜。江風吹月海初潮。光搖翠幕金蓮炬。夢斷涼雲碧玉簫。休唱當時後庭曲。六朝宮殿草蕭蕭。

宋无

春日野步書田家

翳日檻陰翠幄遮。葑園高下奕枰斜。陂塘幾曲深淺水。桃李一溪紅白花。赭尾自跳魚放子。綠頭相並鴨眠沙。春郊景物堪圖寫。輸與烟樵雨牧家。

張翥

聞歸集賢遠引奉簡一章

故舊相看逐逝波。思歸無路欲如何。將軍每嘆檀公策。朝士徒悲穆氏歌。南海明珠來貢少。中原健馬出征多。先生自說將高舉。不遣冥鴻到尉羅。

貢師泰

風涇舟中

白髮飄蕭寄短蓬。春深杯酒憶曾同。落花洲渚鷗迎雨。芳草池塘燕避風。烽火此時連海上。音書何日到山中。故人別後遙相望。夜夜空隨斗柄東。

迺賢

秋夜有懷明州張子淵

雲表銅盤挹露華。高城涼冷咽清笳。弓刀夜月三千騎。燈火秋風十萬家。夢斷佳人彈錦瑟。酒醒童子汲冰花。起看歸路銀河近。願借張騫八月槎。

吳師道

赤壁圖

沈沙戟折怒濤秋。殘壘蒼蒼戰鬪休。風火千年消伯氣。江山一幅挂清愁。丈夫不學曹孟德。生子當如孫仲謀。機會難逢形勝在。狂歌弔古謾悠悠。

野中暮歸有懷

野田蕭瑟草蟲吟。墟落人稀慘欲陰。白水西風羣鴈急。青林暮雨一燈深。年豐稍變飢人色。秋老誰憐倦客心。酒禁未開詩侶散。菊花時節自登臨。

許謙

三月十五夜登迎華觀

夜深來此倚闌干。千里樓臺俯首看。月到中天花影正。露零平地草光寒。氣清更覺山川近。意遠從知宇宙寬。長嘯一聲雲外落。幾家兒女夢初殘。

陳基

淮陰雜興

千里相逢淮海濱。一枝誰寄嶺梅春。老來易感山陽笛。年少休輕勝下人。失侶鴈如秦逐客。畏寒花似楚遺民。每過百戰瘡痍地。立馬西風爲損神。

十一月晦與同幕諸公登南高峯因過湖上小集

落日湖頭艤畫船。買魚沽酒不論錢。共過天下登臨地。卻憶官家全盛年。綠水映霞紅勝錦。遠山凝黛淡如烟。相攜此夕干戈際。一聽笙歌一慨然。

馮子振

登金山

雙塔嵯峨聳碧空。爛銀堆裏紫金峯。江流吳楚三千里。山壓蓬萊第一宮。雲外樓臺迷鳥雀。水邊鐘鼓振蛟龍。問僧何處風濤險。郭璞墳前浪打風。

陳雷

寄劉仲原經歷

鴛鴦湖水漾晴暉。鏡裏遙峯入望微。槐蔭午衙書帙靜。蓮香秋幕吏人稀。青雲步穩名逾重。白石歌長願已違。他日相逢話疇昔。應憐憔悴不勝衣。

張昱

感事

雨過湖樓作晚寒。此心時暫酒邊寬。杞人惟恐青天墜。精衛難期碧海乾。鴻鴈信從天上過。山河影在月

中看洛陽橋上聞鵠處誰識當時獨倚闌。

倪瓈

懷歸

久客懷歸思惘然。松間茆屋女蘿牽。三杯桃李春風酒。一榻菰蒲夜雨船。鴻迹偶曾留雪渚。鶴情原只在芝田。他鄉未若還家樂。綠樹年年叫杜鵑。

吳景奎

望江亭懷古

金刹璇題入絳霄。望江猶自記前朝。羣臣痛灑新亭淚。孱主方看浙水潮。故物蒼龍蟠石柱。當時丹鳳聽簫韶。屬鏤一夜英雄老。曾見鴟夷恨未銷。

郭珏

殘年

久愁兵氣漲秋林。不謂殘年寇轉深。四野天青烽火近。五更霜白鼓聲沉。金張富貴皆非舊。管樂人材不到今。江上米船看漸少。捷書未報更關心。

葉顥

至正戊戌九日感懷

風急登高野客傷悲笳聲裏過重陽。正須擊劍論孤憤。何暇攜壺舉一觴。白骨不埋新戰恨。黃花空發舊

枝香寒烟冷日東籬下西望柴桑路更長。

悠悠江影鴈南飛黃菊飄香蝶滿枝斜日西風彭澤酒殊方異國杜陵詩烟巒慘淡山林暮霜葉蕭疏草木悲醉後不思時節異半欹烏帽任風吹。

仇遠

陪戴祖禹泛湖分韻得天字

冉冉夕陽紅隔雨悠悠野水碧連天山分秋色歸紅葉風約蘋香入畫船鐘鼓園林已如此衣冠人物故依然當歌對酒堪腸斷倒著烏巾且醉眠。

陳孚

平江

滄浪亭下望姑蘇千尺飛橋接太湖故里空傳吳稻蟹寒祠猶記晉蓴鱸芙蓉夜月開天鏡楊柳春風擁畫圖爲問館娃歌舞處鶯花還似昔年無。

鄂渚晚眺

黃鶴樓前木葉黃白雲飛盡鴈茫茫櫓月歸巫峽燈影隨潮過漢陽庾令有塵汚簡冊禰生無土蓋文章闌干只有當年柳留與行人記武昌

戴良

懷宋庸庵

麥秀歌殘已白頭。逢人猶是說東周。  
風塵湧洞遺黎老。草木凋傷故國秋。  
祖逖念時空擊楫。仲宣多難但登樓。  
何當去逐麒麟客。被髮同爲汗漫遊。

周霆震

登城

世祖艱難德澤深。風悲城郭怕登臨。  
九朝天下俄川決。七載江南竟陸沉。  
馬骨空傳當日價。雞聲不到暮年心。  
雨餘門外青青草。過客魂銷淚滿襟。

錢惟善

述懷寄光遠并簡城南諸友

野人無事久忘機。肯信紛華有是非。  
花信欲闌鶯百轉。麥芒初長雉雙飛。  
書中歲月仍爲客。枕上江山屢夢歸。  
時復思君倚深樹。不知殘雨溼春衣。

送陳衆仲之官翰林應奉

畫鷁齊飛發棹謳。泛江幾日過揚州。  
曉雲最白梅花驛。春雨初香杜若洲。  
一代文章關氣運。十年館閣擅風流。  
綠波草色連天遠。不是尋常送別愁。

李孝光

飲濡須守子衡君宅

客子東來向西楚。河流兀兀舞輕舠。  
雪消巢縣青山出。雨後焦湖春水高。  
賴有使君持玉節。未須故舊問

綺袍眼中賀監文章伯。又使時人見鳳毛。

八月十六日送張仲舉至秦郵驛是夕邵文卿置酒雲峯臺望月二首錄一。

雲峯臺上今宵月奇絕。平生此一行。天水光搖秋萬頃。星河涼轉夜三更。謫仙被酒騎鯨去。游女吹簫學鳳鳴。明發星查上河漢。定傳詩話到蓬瀛。

環碧齋

面面溪光護石苔。軒墀無復有塵埃。月涵虛白浮秋去。水泛空青入座來。漁釣兒孫多質朴。嘯歌鷗鷺不驚猜。我家亦住滄江曲。千箇質簷繞舍栽。

馬臻

秋日閑詠

西湖晴雨畫圖間。坐倚闌干自解顏。無酒可供千日醉。有錢難買一生閑。草衰春色來時路。鶴宿秋聲起處山。橫笛吹殘天又晚。釣舟燈火入蘆灣。

張雨

范以善雲林清遠館

華陽范監居幽眇。不到元牕未易逢。山氣半爲湖外雨。松聲遙答嶺頭鐘。常聞神女騎龍過。亦有仙人控鶴從安用乘流三萬里。小天元在積金峯。

七言絕

元詩別裁 補遺 七言絕

一百三十七

柳 貫

題立仗馬圖

玉立形墀氣尙羸。食殘芻豆更何須。  
太平未必閑無用。一幅君王納諫圖。

薩都刺

遊會仙宮

霏霏涼露溼瑤臺。半夜吹簫月下來。  
山外春風將雨過。滿庭撩亂碧桃開。

題淮安壁

魚蝦潑潑初出網。梅杏青青已著枝。  
滿樹嫩晴春雨歇。行人四月過淮時。

秋詞

清夜宮車出建章。紫衣小隊兩三行。  
石闌干畔銀燈過。照見芙蓉葉上霜。

楊維楨

雨後雲林圖

浮雲載山山欲行。橋頭雨餘春水生。  
便須借榻雲林館。臥聽仙家雞犬聲。

惟 則

湖村庵卽事

竹根吠犬隔溪西。湖鴈聲高木葉飛。  
近聽始知雙橹響。一燈浮水夜船歸。

乙卯年夏  
6月25日

中華民國二十六年十二月初版

(81066-1)

國學基元

詩別裁一冊

每册實價國幣壹角伍分  
外埠酌加運費匯費

選輯者

張景星

發行人


王上海雲南路五

印刷所

上海商務印書館

發行所

上海及各埠  
商務印書館



上海图书馆藏书



A541 212 0006 1265B

